

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitat legala.

Lescha federala davart radio e televisiun (LRTV)

dals 24 da mars 2006 (versiun dal 1. da settember 2023)

*L'Assamblea federala da la Confederaziun svizra,
sa basond sin ils artitgels 71, 92 e 93 da la Constituziun federala (Cst.)¹,
suenter avair gi invista da la missiva dal Cussegl federal dals 18 da december 2002²,
concluda:*

1. titel Champ d'applicaziun e noziuns

Art. 1 Champ d'applicaziun

¹ Questa lescha regla l'emissiun, la preparaziun, la transmissiun e la recepziun da programs da radio e televisiun. Tant enavant che questa lescha na prevesa nagut auter, sa drizza la transmissiun da programs cun agid da la tecnica da telecommunicaziun tenor la Lescha da telecommunicaziun dals 30 d'avrigl 1997³ (LTC).

² A la lescha n'èn betg suttamessas purschidas d'ina pitschna impurtanza publicistica. Il Cussegl federal fixescha ils criteris.

Art. 2 Noziuns

En questa lescha signifitgan:

- a. *program*: ina seria d'emissiuns che vegnan purschidas cuntuadament tenor in urari, che vegnan derasadas cun agid da la tecnica da telecommunicaziun e ch'èn destinadas a la generalitat;
- b. *emissiun*: part d'in program che furma in'unitad formal e materiala;
- c. *emissiun redacziunala*: mintga emissiun che n'è betg reclama;

AS 2007 737

¹ SR 101

² BBI 2003 1569

³ SR 784.10

c^{bis}⁴ *publicaziun redacziunala*: emissiun redacziunala en il program d'in emettur svizzer u contribuziun concepida da la redacziun en l'ulteriura purschida pubblistica da la Societad svizra da radio e televisiun (SSR) (art. 25 al. 3 lit. b);

- d. *emettur da programs*: la persuna natirala u giuridica che porta la responsabladad per la creaziun d'emissiuns u per lur cumpilaziun ad in program;
 - e. *program svizzer*: program che suttastat tenor la Convenziun europeica dals 5 da matg 1989⁵ davart la televisiun transconfinala a la giurisdicziun svizra; questas prescrizjuns valan tenor il senn er per ils programs da radio;
 - f. *transmissiun cun agid da la tecnica da telecommunicaziun*: emissiun u recepziun electrica, magnetica, optica u en in'autra furma electromagnetica d'infurmaziuns sur lingias u sur undas radiofonicas (art. 3 lit. c LTC⁶);
 - g. *diffusiun*: transmissiun cun agid da la tecnica da telecommunicaziun ch'è destinada a la generalitat;
 - h. *servetsch da telecommunicaziun*: transmissiun cun agid da la tecnica da telecommunicaziun d'infurmaziuns per terzas personas (art. 3 lit. b LTC);
 - i. *servetsch cumbinà*: servetsch da telecommunicaziun che furma in'unitad funcziunala cun in program, ch'è necessari per utiliar il program;
 - j. *preparaziun*: gestiun da servetschs u da proceduras tecnicas per transmitter, concentrar, criptar u commerzialisar programs u per tscherner tals als apparats da recepziun;
 - k. *reclama*: mintga annunzia publica en il program che ha l'intent da promover la conclusiun d'acts giuridics pertutgant rauba u prestaziuns, da sustegnair ina chaussa u ina idea u da cuntanscher in auter effect che vegn giavischà da l'incumbensader da reclama u da l'emettur sez e che vegn derasada cunter pajament u per ina cuntraprestaziun sumeglianta u sco autoreclama;
 - l. *offerta da vendita*: reclama che intimescha il public a la conclusiun directa d'in act giuridic pertutgant la rauba preschentada u pertutgant las prestaziuns preschentadas;
 - m. *emissiun da vendita*: emissiun che cuntegna unicamain offertas da vendita e che dura almain 15 minutias;
 - n. *program da vendita*: program che consista unicamain d'offertas da vendita e d'ulteriura reclama;
 - o. *sponsuradi*: participaziun d'ina persuna natirala u giuridica a la finanziaziun directa u indirecta d'ina emissiun cun la finamira da promover l'agen num, l'atgna marca u l'atgna apparientscha;
- p.⁷ *taxa da radio e televisiun*: la taxa tenor l'artitgel 68 alinea 1.

⁴ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁵ SR **0.784.405**

⁶ SR **784.10**

⁷ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

2. titel Emissiun da programs svizzers**1. chapitel Disposiziuns generalas****1. secziun****Obligaziun d'annunzia ed obligaziun d'avair ina concessiun****Art. 3⁸**

Tgi che vul emetter in program svizzer, sto:

- a. annunziar quai ordavant a l'Uffizi federal da communicaziun (UFCOM); u
- b. avair ina concessiun tenor questa lescha.

1a. secziun⁹ Independenza dal stadi**Art. 3a**

Il radio e la televisiun èn independents dal stadi.

2. secziun Princips applitgabels per il cuntegn dals programs**Art. 4 Pretensiuns minimalas al cuntegn dal program**

1 Tut las emissiuns d'in program da radio u televisiun ston observar ils dretgs fundamentals. Las emissiuns ston respectar en spezial la dignitat umana, na dastgan ni esser discriminantas, ni contribuir a rassissem, ni periclitar la moralta publica, ni glorifitgar u minimalisar violenza.

2 Emissiuns redacziunalas cun in cuntegn infurmativ ston mussar ils fatgs ed ils eveniments en moda objectiva, uschia ch'il public po sa furmar in'atgna opiniu. Vistas persunalas e commentaris ston esser renconuschibels sco tals.

3 Las emissiuns na dastgan betg periclitar la segirezza interna ed externa da la Confederaziun u dals chantuns, lur urden constituziunal u l'adempliment d'obligaziuns da la Svizra che resultan dal dretg internaziunal.

4 En la totalitat da lur emissiuns redacziunalas ston ils programs concessiunads reflectar en moda adequata la multifariadad dals eveniments e da las opinius. Sch'ina zona da provediment vegn provedida cun in dumber suffizient da programs, po l'autoritat da concessiun deliberar en la concessiun in u plirs emetturs da l'obligaziun da diversitat.

8 Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

9 Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

Art. 5 Emissiuns che periclitescan la giuentetgna

Emetturs da programs ston procurar cun la tscherna dal temp d'emissiun u cun autres mesiras che persunas minorenas na vegnian betg confruntadas cun emissiuns che periclitescan lur svilup corporal, spiertal-psichic, moral u social.

Art. 5a¹⁰ Pretensiuns minimalas envers l'ulteriura purschida publicistica da la SSR

Las contribuziuns concepidas da la redacziun en l'ulteriura purschida publicistica da la SSR ston satisfar als princips da program tenor ils artitgels 4 e 5. L'obligaziun da diversitat (art. 4 al. 4) vala mo per dossiers d'elecziuns e da votaziuns.

Art. 6 Autonomia¹¹

¹ Uschenavant ch'il dretg federal na dispona betg autramain, n'èn ils emetturs da programs betg suttamess a las directivas d'autoritads federalas, chantunalas u communalas.

² Tar la concepziun, en spezial tar la tscherna dals temas, tar l'elavurazion dal cuntegno er tar la preschentazion da lur publicaziuns redacziunalas e da la reclama èn ils emetturs libers e surpiglian la responsabludad en chaussa.¹²

³ Nagin na po pretender d'in emettur da programs da derasar tschertas represchentaziuns ed infurmaziuns.

Art. 7 Ulteriuras pretensiuns envers ils programs dals emetturs da televisiun¹³

¹ Il Cussegli federal po obligar emetturs da televisiun – en il rom da la realisabladad practica e cun medis finanziials adequats:

- a. da reservar ina part essenziala dal temp d'emissiun decisiv per ovras svizras e per autres ovras europeicas;
- b. da reservar en lur programs da televisiun ina part adequata dal temp d'emissiun u dals custs da program per emetter ovras svizras ed autres ovras europeicas da producents independents.

² Emetturs da televisiun che porschan programs naziunals u programs destinads a las regiuns linguisticas e che mussan films en lur program ston impunder almain 4 pertschient da lur entradas bruttas per l'acquist, la producziun u la coproducziun da films svizzers u pajar ina taxa da promozion correspondenta da maximalmain 4 pertschient.

¹⁰ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹² Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Questa obligaziun vala er per emetturs che porschan ina fanestra da programs naziunals u da programs destinads a las regiuns linguisticaes en in program da televisiun ester e che mussan films en lur programs. Questa obligaziun na vala dentant betg per la SSR.¹⁴

³ Emetturs da televisiun che porschan programs naziunals u programs destinads a las regiuns linguisticaes ston metter a disposizion ina part adequata da las emissiuns en ina moda ch'è adattada per persunas cun impediments da l'udida e da la vesida.

⁴ Ils emetturs da televisiun regiunals che han ina concessiun suttituleschan las emissiuns d'infurmaziun principalas. Il Cussegli federal fixescha la dimensiun da questa obligaziun. Ils custs che resultan per preparar las emissiuns per persunas cun impediments d'udida vegnan finanziads cumplainamain tras la taxa da radio e televisiun (art. 68a).¹⁵

Art. 8 Obligaziuns da diffusiun

¹ La SSR sco er ils emetturs che han ina concessiun sa basond sin l'artitgel 38 alinea 1 litera a u sin l'artitgel 43 alinea 1 litera a ston:¹⁶

a. integrar immediatamain en lur program communicaziuns urgentas da la polizia ch'èn indispensablas per mantegnair l'urden public e la segirezza publica ubain per garantir la segirezza da persunas sco er annunzias d'alarm ed instrucziuns da cumportament da las autoritads;

b.¹⁷ infumar la publicitat davart decrets da la Confederaziun che vegnan publictgads urgentamain tenor l'artitgel 7 alinea 3 da la Lescha dals 18 da zercladur 2004¹⁸ davart las publicaziuns uffizialas (LPubl) u extraordinariamain tenor l'artitgel 7 alinea 4 LPubl.

² Per emissiuns tenor l'alinea 1 è responsabla l'autoritat che las ha ordinà.

³ Il Cussegli federal extenda las obligaziuns tenor l'alinea 1 litera a sche necessari sin purschiders da servetschs da telecommunicaziun che derasan programs.

⁴ El procura che l'infurmazion da la populaziun tras il radio saja garantida en situaziuns da crisa. Las autoritads da concessiun reglan ils detagls en las concessiuns da la SSR e dals emetturs da radio tenor ils artitgels 38–43.

¹⁴ Versiun da la frasa tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁵ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁶ Versiun tenor la cifra 6 da l'aggiunta da la LF dals 26 da sett. 2014, en vigur dapi il 1. da schan. 2016 (AS 2015 3977; BBI 2013 7057).

¹⁷ Versiun tenor la cifra 6 da l'aggiunta da la LF dals 26 da sett. 2014, en vigur dapi il 1. da schan. 2016 (AS 2015 3977; BBI 2013 7057).

¹⁸ SR 170.512

3. secziun Reclama e sponsuradi

Art. 9 Reconuschibilitad da la reclama

¹ La reclama sto esser separada nettamain da la part redacziunala dal program e sto esser reconuschibla cleramain sco tala. Il Cussegħi federal po scumandar u suttametter a disposiziuns spezialas quellas furmas da reclama che periclitescħan la separaziun u la reconuschibilitad.

² Collavraturi permanenti dal program da l'emettur na dastgħan betg cooperar en las emissiuni da reclama. Ils emetturs locals e regiunals che han medsi finanziali limitati ën exceptads da questa restricziun.

Art. 10 Scumonds da reclama

¹ Betg admissa n'è reclama per:

- a. products da tubac;
- b.¹⁹ bavrondas alcoholicas che suttastattan a la Lescha d'alcohol dals 21 da zer-cladur 1932²⁰; per proteger la sanadad e la giuventetgħna decretescha il Cussegħi federal ulteriuras restricziuns;
- c.²¹ ...
- d. partidas politicas, persunas che occupan uffizis politici u che candidesħan per tals sco er temas ch'en l'object da votaziuni dal pievel;
- e. confessiuni religiusas e las instituziuni e persunas che las represħentant.

² Betg admissas n'èn:

- a. reclama per medicaments a norma da la Lescha dals 15 da decembre 2000²² davart ils products terapeutics;
- b. offertas da vendita per tut il medicaments e per tut il tractaments medicinali.

³ Betg admissas n'èn reclama clandestina e reclama subliminala.

⁴ Betg admissa n'è reclama che:

- a. offendha persasiuni religiusas u politicas;
- b. maina en errur u è illojalja;
- c. encurasħha ad in cumportament che periclitescħa la sanadad, l'ambient u la segirezza persunala.

⁵ Per proteger la sanadad e la giuventetgħna po il Cussegħi federal declarar sco betg admissas ulteriuras emissiuni da reclama.

¹⁹ Versiun tenor la cifra I da la LF dals 25 da sett. 2009, en vigur dapi il 1. da favr. 2010 (AS 2010 371; BBI 2008 9105).

²⁰ SR 680

²¹ Aboli tras la cifra I da la LF dals 25 da sett. 2009, cun effect dapi il 1. da favr. 2010 (AS 2010 371; BBI 2008 9105).

²² SR 812.21

Art. 11 Inserziun e durada da la reclama

¹ La reclama sto da princip vegnir inserida tranter las singulas emissiuns ed emessa en blocs. Il Cussegl federal decida cura ch'i po vegnir devià da quest princip. Las deviaziuns na dastgan betg pregiuditgar il connex total e la valor da l'emissiun pertutgada.

² La reclama na dastga da princip betg surpassar 20 pertschient dal temp d'emissiun dad 1 ura. Il Cussegl federal regla las excepziuns.²³

³ Cun reglar las deviaziuns dals princips tenor ils alineas 1 e 2 resguarda il Cussegl federal numnadamain ils sustants criteris:

- a. las incaricas da prestaziun dals emetturs;
- b. la situaziun economica dal radio e da la televisiun;
- c. la concurrenza transconfinala;
- d. las regulaziuns da reclama internaziunalas;
- e. ils giavischs dal public.

Art. 12 Sponsuradi

¹ Per il cuntegn e per il temp d'emissiun d'emissiuns sponsuradas è l'emettur da programs sulettamain responsabel. El procura ch'il sponsur n'influenzeschia betg l'emissiun en ina moda che pregiuditgescha l'independenza redacziunala.

² Sche emissiuns u serias d'emissiuns èn sponsuradas per part u dal tuttfatg, ston ils sponsurs vegnir numnads al cumentzament u a la fin da mintga emissiun.

³ Emissiuns sponsuradas na dastgan ni animar a concluder acts giuridics pertutgant rauba u prestaziuns dals sponsurs u da terzas personas ni cuntegnair deposiziuns cun caracter da reclama per rauba e prestaziuns.

⁴ Emissiuns na dastgan betg vegnir finanziadas da sponsurs che produceschan u vendan en emprima lingia products u porschan prestaziuns, per las qualas igl è scumandà da far reclama tenor l'artitgel 10. Interpresas ch'èn activas en il sectur da medicaments dastgan sponsurar emissiuns, sch'i na vegnan betg numnads u mussads en quest connex products ch'èn suttamess ad in scumond da reclama e sch'i na vegn betg créa en autra moda in effect da reclama per questi products.

⁵ Emissiuns d'infurmazion ed emissiuns davart eveniments politics actuals sco er emissiuns e serias d'emissiuns che han in connex cun l'exercitar ils dretgs politics en la Confederaziun, en ils chantuns ed en las vischnancas na dastgan betg vegnir sponsuradas.

²³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

Art. 13 Protecziun da persunas minorennas

¹ Reclama che sa drizza a persunas minorennas u en la quala vegnan avant persunas minorennas, na dastga ni profitar da lur mancanza d'experiéntscha da vita ni las pregiuditgar en lur svilup corporal e psichic. Il Cussegl federal decretescha las prescripcziuns correspundentas per concepir la reclama.

² Emissiuns per uffants na dastgan betg vegnir interruttas da reclama.

³ Offertas da vendita na dastgan betg sa drizzar a persunas minorennas.

⁴ Per proteger ils giavischs menziunads en l'alinea 1 exclada il Cussegl federal tschertas furmas dal sponsuradi d'emissiuns per uffants.

Art. 14 Disposiziuns spezialas per la SSR

¹ Igl è scumandà da far reclama en ils programs da radio da la SSR. Il Cussegl federal po prevair excepcziuns per l'autoreclama.

² ...²⁴

³ Il Cussegl federal po restrenscher dal tuttafatg u per part la reclama ed il sponsuradi en ils programs da radio e televisiun da la SSR ed en l'ulteriura purschida publicistica ch'è necessaria per ademplir sia incumbensa da program e che vegn finanziada cun las taxas da radio e televisiun²⁵ (art. 25 al. 3 lit. b).

4. secziun**Obligaziuns d'annunzia, d'infurmaziun, da rapportaziun e da registraziun****Art. 15 Obligaziun d'annunziar las entradas da reclama e da sponsuradi**

Ils emetturs concessiunads da programs svizzers ston annunziar al UFCOM²⁶ las entradas bruttas da reclama e da sponsuradi.

Art. 16 Obligaziun d'annunziar participaziuns

Ils emetturs da programs svizzers ston annunziar al UFCOM midadas dal chapital e da las repartiziuns dal dretg da votar sco er participaziuns relevantas vi d'autras interpresas.

²⁴ Aboli tras la cifra I da la LF dals 25 da sett. 2009, cun effect dapi il 1. da favr. 2010 (AS 2010 371; BBl 2008 9105).

²⁵ Expressiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975). Questa midada è vegnida resguardada en l'entir decret.

²⁶ Expressiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975). Questa midada è vegnida resguardada en l'entir decret.

Art. 17 Obligaziun d'infurmazion

¹ Ils emetturs da programs èn obligads da dar a l'autoritat da concessiun e da surveglianza gratuitamain las infurmazions e las actas che quellas dovràn en il rom da lur activitat da surveglianza sco er per examinar ina periclitazion da la diversitat da las opiniuns e da las purschidas (art. 74 e 75).²⁷

² A l'obligaziun da dar infurmazions èn suttamessas er persunas giuridicas e natirals:

- a. vi da las qualas l'emettur da programs è participà en moda relevanta u ch'èn participadas vi da l'emettur da programs en moda relevanta e ch'èn activas sin il martgà da radio e televisiun u sin martgads parentads;
- b. che acquireschan reclama u sponsuradi per l'emettur da programs;
- c. che produceschan la gronda part dal program respectiv da l'emettur;
- d. che organiseschan in eveniment public tenor l'artigel 72;
- e. ch'èn activas sin il martgà da radio e televisiun e che han ina posiziun dominanta en in u en plirs martgads ch'èn relevantes per las medias;
- f.²⁸ ch'èn activas sin in u plirs martgads relevantes per las medias en il senn da l'artigel 74, nua ch'i vegn examinada ina periclitazion da la diversitat da las opiniuns e da las purschidas, uschenavant che las infurmazions èn necessarias per sclerir ina posiziun dominanta sin il martgà.

³ Il dretg da refusar l'infurmaziun u l'extradizion da las actas sa drizza tenor l'artigel 16 da la Lescha federala dals 20 da december 1968²⁹ davart la procedura administrativa (LFPA).

Art. 18 Rapport annual e quint annual

¹ Ils emetturs da programs svizzers ston inoltrar al UFCOM il rapport annual sco er il quint annual. Il Cussegl federal deliberescha tschertas categorias d'emetturs da programs da questas obligaziuns.

² Il UFCOM po publitgar indicaziuns dals rapports annuals dals emetturs da programs.

³ Il Cussegl federal fixescha tge ch'il rapport annual ed il quint annual ston cuntegnair e tge indicaziuns che il UFCOM dastga publitgar.

Art. 19 Indicaziuns statisticas

¹ Il UFCOM fa ina statistica en collavuraziun cun l'Uffizi federal da statistica. Quella cuntegna las indicaziuns che las autoritads cumpetentas dovràn:

- a. per la legislaziun e per l'applicaziun dal dretg;
- b. per survegnir ina survista dal martgà.

²⁷ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

²⁸ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

²⁹ SR 172.021

² Ils emetturs da programs svizzers ston inoltrar regularmain al UFCOM las indicaziuns necessarias.

³ Il UFCOM po metter a disposizion resultats statistics a la publicitat.

⁴ Il Cussegli federal regla ils detagls; en spezial fixescha el ils princips davart la retschertga da datas, davart retschertgas singulas, davart l'utilisazion da las datas retschertgadas e davart la publicaziun da resultats statistics.

Art. 20³⁰ Registraziun e conservaziun da las emissiuns sco er da las contribuziuns en l'ulteriura purschida publicistica da la SSR

¹ Ils emetturs da programs svizzers ston registrar tut las emissiuns e conservar las registraziuns sco er il material ed ils documents respectivs durant almain 4 mais. Il Cussegli federal po dispensar tschertas categorias d'emetturs da questa obligaziun.

² Las contribuziuns en l'ulteriura purschida publicistica da la SSR ston medemamain vegnir registradas, ed ellas ston vegnir conservadas ensemen cun il material ed ils documents respectivs. Il Cussegli federal regla la durada e la dimensiun da l'obligaziun da registrazion e da conservaziun resguardond las pussaivladads tecnicas e la raschunaivladad per la SSR.

³ Sch'i vegn inoltrà entaifer il termin da conservaziun ina reclamazion tar il post da mediaziun u fatg recurs tar l'Autoritat independenta da recurs davart radio e televisiun u avert d'uffizi ina procedura da surveglianza, ston las registraziuns, il material ed ils documents respectivs vegnir conservads fin a la fin da la procedura.

Art. 21 Mantegniment da programs

¹ Il Cussegli federal po obligar emetturs da programs svizzers da tegnair a disposizion registraziuns da lur programs, per che quels restian mantegnids permanentamain a la populaziun. Ils emetturs da programs pon vegnir indemnisaids finanziemain per ils custs che als resultan da quai.

² Il Cussegli federal fixescha, tge programs che ston vegnir mantegnids, e regla l'indemnisazion dals emetturs da programs sco er la consegna, l'archivaziun e la disponibladat da las registraziuns. En spezial po el far prescripziuns tecnicas davart il gener e davart la furma dals pertaders da datas e designar organs che coordineschan las lavurs necessarias e che fan la selecziun dals programs che ston vegnir mantegnids.

³ Ils custs dals organs tenor l'alinea 2 sco er l'indemnisazion dals emetturs da programs tenor l'alinea 1 vegnan finanziads tras la taxa da radio e televisiun, uschenavant ch'il retgav da l'indemnisazion per prender invista dals programs registrads e per reutilisar quels na basta betg.³¹

⁴ Per garantir l'utilisazion a lunga vista dals archivs po il Cussegli federal prender mesiras da sustegn per mantegnair ils apparats da reproducziun correspundents.

³⁰ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

³¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

5. sezioni Taxa da concessiun

Art. 22

¹ Ils emetturs da programs svizzers che han ina concessiun pajan mintga onn ina taxa da concessiun. Il retgav da la taxa da concessiun vegn duvrà en emprima lingia per promover projects da perscrutaziun en il sectur da radio e televisiun (art. 77) ed en segunda lingia per novas tecnologias da diffusiu (art. 58).³²

² La taxa importa maximalmain 1 pertschient da las entradas bruttas da reclama e da sponsuradi. Il Cussegli federal fixescha l'autezza da la taxa ed in import liber.

2. chapitel Societat svizra da radio e televisiun

1. sezioni Incumbensa da program e concessiun

Art. 23 Princip

La SSR ademplescha in servetsch per la generalitat. Ella n'ha betg la finamira da far in gudogn.

Art. 24 Incumbensa da program

¹ La SSR ademplescha l'incumbensa constituziunala en il sectur dal radio e da la televisiun (incumbensa da program). En spezial:

- a. furnescha ella programs da radio e televisiun cumplets e da la medema valur a tut la populaziun en las trais linguis uffizialas;
- b. promova ella la chapientscha, la coesiun ed il barat tranter las regiuns da la Svizra, tranter las cuminanzas linguisticas, tranter las culturas e tranter las gruppaziuns socialas e resguarda ella las atgnadads dal pajais ed ils basegns dals chantuns;
- c. promova ella la stretga colliaziun tranter las Svizras ed ils Svizzers a l'exterior e la patria sco er la preschientscha da la Svizzer e la chapientscha per ses giavischs a l'exterior.

² Per la Svizra rumantscha emetta la SSR almain in program da radio. Dal rest fixescha il Cussegli federal ils princips, tenor ils quals ils basegns da radio e televisiun da quest territori linguistic ston vegnir resguardads supplementarmain.

³ Il Cussegli federal fixescha ils princips, tenor ils quals ils basegns dals umans cun impediments dals senss ston vegnir resguardads. El determinescha en spezial, en tge dimensiun ch'i ston vegnir purschidas emissiuns spezialas en la lingua da segns per persunas surdas.

³² Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

⁴ La SSR contribuescha:

- a. a la furmaziun libra da l'opiniu dal public tras ina infurmaziun cumplettta, multifara ed objectiva en spezial davart connexs politics, economics e socials;
- b. al svilup cultural ed al rinforzament da las valurs culturalas dal pajais sco er a la promozion da la cultura svizra resguardond spezialmain la producziun d'ovras litteraras, musicalas e cinematograficas svizras, cunzunt cun emetter producziuns svizras ed emissiuns producidas sezzas;
- c. a la furmaziun dal public, cunzunt grazia a la diffusiu regulara d'emissiuns educativas;
- d. al divertiment.

⁵ En emissiuns d'infurmaziun impurtantas che interesseschan sur ils cunfins linguistics e territorials da la Svizra ora sto per regla vegnir duvrada la lingua da standard.

Art. 25 Concessiun

¹ Il Cussegli federal dat a la SSR ina concessiun.

² Avant che dar la concessiun u avant che far midadas da la concessiun ch'èn impurtanta per la politica da medias vegn fatga in'audizion.

³ La concessiun fixescha en spezial:

- a. il dumber ed il gener dals programs da radio e televisiun;
- b. la dimensiun da l'ulteriura purschida publicistica ch'è necessaria per ademplir l'incumbensa da program sin plaun da las regiuns linguisticas, sin plaun nazional e sin plaun internaziunal e che vegn finanziada tras las taxas da radio e televisiun;
- c. ils detagls per resguardar la producziun d'ovras litteraras, musicalas e cinematograficas svizras tenor l'artitgel 24 alinea 4 litera b; ella po prescriver quotas minimalas correspundentas.

⁴ La SSR po porscher singuls programs en collauraziun cun auters emetturs. La collauraziun vegn reglada en contracts che ston vegnir approvads dal Departament federal per ambient, traffic, energia e communicaziun (DATEC).³³

⁵ Il DATEC³⁴ po midar singulas disposiziuns da la concessiun avant ch'ellas scadan, sche las relaziuns effectivas u giuridicas èn sa midadas e sche la midada è necessaria per mantegnair interess impurtants. A la SSR vegn pajada ina indemnisiaziun comensurada.

⁶ Il DATEC po restrenscer u suspender per part la concessiun da la SSR, sche:

- a. l'autoritat da surveglianza tenor l'artitgel 89 ha fatg ina dumonda respectiva;

³³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

³⁴ Expressiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975). Questa midada è vegnida resguardada en l'entir decret.

- b. la SSR ha violà repetidamain u grevamain sias obligaziuns concernent las finanzas e concernent il rendaquit (art. 35 e 36).

2. secziun Purschida publicistica

Art. 26 Limitaziuns da la purschida regiunala

¹ Igl è scumandà a la SSR d'emetter programs regionals.

² Cun il consentiment dal DATEC po la SSR integrar fanestras regiunalas da durada limitada en ses programs da radio. En talas fanestras è scumandà il sponsuradi. La durada da questas fanestras regiunalas na dastga betg surpassar 1 ura per di.³⁵

Art. 27 Produczun dals programs

Ils programs da la SSR ston vegnir producids per gronda part en las regiuns linguisticas, a las qualas els èn destinads.

Art. 28 Purschidas publicisticas per l'exterior

¹ Il Cussegli federal fixescha cun la SSR periodicamain la dimensiun da la purschida publicistica per l'exterior tenor l'artigel 24 alinea 1 litera c ed ils custs correspondents.

² En situaziuns da crisa po el concluder cun la SSR incaricas da prestazion spezialas a curta vista per contribuir a la chapientscha vicendaivla dals pievels.

³ La Confederaziun indemnisescha a la SSR almain per la mesadad ils custs per prestaziuns tenor l'alinea 1 e cumplainamain ils custs per prestaziuns tenor l'alinea 2.

3. secziun Activitads betg concessiunadas

Art. 29

¹ La SSR e las interpresas controlladas d'ella ston annunziar ordavant al UFCOM activitads betg fixadas en la concessiun che pudessan pregiuditgar la posiziun e l'incumbensa d'autras interpresas da medias svizras.

² Sch'ina tala activitat pregiuditgescha l'adempilment da l'incumbensa da program u restrenschia considerablamain la libertad d'autras interpresas da medias da sa sviluppar, po il DATEC decretar cundiziuns davart l'activitat kommerziala, davart la finanziaziun, davart la separaziun da la contabilitad e davart la separaziun da las strutturas organizericas u scumandar l'activitat.

³⁵ Integrà la frasa tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

4. secziun Diffusiun dals programs da la SSR

Art. 30

¹ Ils programs da radio e televisiun da la SSR vegnan derasads almain en tut la regiun linguistica pertutgada. Almain in program da radio ed in program da televisiun da la SSR vegnan derasads en l'entira Svizra en tudestg, en franzos ed en talian. Il Cusseg federal po prevair excepziuns. Ultra da quai resguarda el ils basegns dals Rumantschs tenor l'artitgel 24 alinea 2. En quest connex garantescha el che frequenzas e chanals ststattan a disposizion als auters emetturs da programs per mintga gener da diffusiun.

² Il Cusseg federal fixescha per mintga program la zona da provediment ed il gener da diffusiun.

5. secziun Organisaziun e finanziaziun

Art. 31 Organisaziun da la SSR

¹ La SSR s'organisescha uschia che:

- a. sia autonomia e sia independenza dal stadi e da singulas gruppaziuns socialas, economicas e politicas èn garantidas;
- b. ella vegna manada en moda economica e las taxas da radio e televisiun vegnan duvradas confurm a lur intent;
- c. ils giavischs da las regiuns linguisticas vegnan resguardads ed ina direcziun e coordinaziun naziunala è garantida;
- d. il public è represchentà en l'organisaziun;
- e. la lavour redacziunala è separada da las activitads economicas;
- f. ella po vegnir manada, survegliada e controllada tenor ils princips dal dretg d'aczias.

² Ses statuts ston vegnir approvads dal DATEC.

Art. 32 Organs

¹ Ils organs necessaris èn la radunanza generala, il cusseg d'administraziun, il post da revisiun e la direcziun.

² Sche questa lescha na dispona betg autramain, valan las disposiziuns dal dretg d'aczias tenor il senn per la regulaziun statutara dals dretgs, da las obligaziuns e da las responsabladads dals organs da la SSR.

Art. 33 Cusseg d'administraziun

¹ Il Cusseg federal po designar fin ad in quart dals commembers dal cusseg d'administraziun.

² Il cussegli d'administraziun na dat naginas instrucziuns particularas pertutgant chaussas currentas che concernan ils programs.

³ Ils commembers na dastgan betg esser – sper lur activitatad sco cussegli d'administraziun – en ina relaziun d'emploià cun la SSR u cun las interpresas controlladas d'ella. Els n'èn betg obligads d'observar instrucziuns.

Art. 34 Finanziaziun

La SSR sa finanziescha en emprima lingia tras las taxas da radio e televisiun. Ella po profitar d'ulteriuras funtaunas da finanziaziun, uschenavant che quellas na veggan betg limitadas da questa lescha, da l'ordinazion, da la concessiun u dal dretg internaziunal respectiv.

Art. 35 Utilisaziun dals medys finanzials

¹ La SSR e las interpresas controlladas d'ella mainan lur finanzas tenor ils principis renconuschids da la meglia pratica. Ellas lavurten tenor aspects economics, utiliseschan lur medys finanzials confurm a l'intent e procuran che la substansa da l'interresa veggia mantegnida a lunga vista cun regard a l'adempilment da lur incumbensa.

² La SSR utilisescha la part da la taxa³⁶ attribuida ad ella exclusivament per cuvrir ils custs che resultan da l'emissiun dals programs da radio e televisiun e da l'ulteriura purschida publicistica (art. 25 al. 3 lit. b).

³ Sche la SSR desista d'ina activitat ch'è stada d'ina gronda impurtanza tar la fixaziun da l'autezza da la taxa, po il DATEC obligar la SSR da furmar reservas che ston vegin resguardadas tar la proxima adattazion da la taxa.³⁷

⁴ Il Cussegli federal procura che las disposiziuns da l'artigel 6a alineas 1–5 da la Lescha dals 24 da mars 2000³⁸ davart il persunal da la Confederaziun veggian applicadas tenor il senn en la SSR ed en las interpresas controlladas d'ella per ils commembers dals organs directifs, per ils appartegnents dal cader directiv sco er per l'ulteriur persunal che vegg salarisà en ina moda sumeglianta.

Art. 36 Surveglianza da las finanzas

¹ La SSR e las interpresas controlladas d'ella mainan lur cudeschs tenor las prescrizioni che valan per societads anonimas e tenor ils standards da rendaquit reconuschos da las bursas svizras.

² Ellas mainan quints separads per quellas activitads, che servan ad ademplir l'incarica da prestaziun dal dretg da concessiun, e per lur ulteriuras activitads.

³ Il cussegli d'administraziun da la SSR preschenta mintga onn al DATEC:

³⁶ Expressiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975). Questa midada è veggida resguardada en l'entir decret.

³⁷ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

³⁸ SR 172.220.1

- a. il quint dal concern;
- b. il quint annual, il preventiv, la planisaziun da las finanzas ed il rapport annual da la SSR e da las interpresas controlladas d'ella.

⁴ Sin basa dal rapport da gestiun dal cussegli d'administraziun examinescha il DATEC las finanzas da la SSR. El po dumandar infurmaziuns supplementaras. Dal cussegli d'administraziun da la SSR u dals organs incumbensads cun la direcziun suprema da las interpresas controlladas da la SSR po il DATEC pretender en spezial indicaziuns davart la moda e maniera, co ch'els han adempli lur responsablidad.

⁵ Il DATEC po far verificaziuns al lieu tar la SSR e tar las interpresas controlladas d'ella, sche:

- a. il rapport è insuffizient e la SSR na furnescha betg indicaziuns suffizientas malgrà ch'ella è veginida intimada dal DATEC da far quai entaifer il termin concedi; u
- b. igl exista in suspect motivà che la SSR u ina interpresa controllada d'ella n'ha betg adempli las obligaziuns tenor l'artitgel 35 alinea 1.

⁶ Sut las premissas da l'alinea 5 po il DATEC incumbensar la Controlla federala da finanzas u auters experts da far la controlla da las finanzas. La Lescha dals 28 da zercladur 1967³⁹ davart la Controlla da finanzas n'è betg appligabla.

⁷ Puras controllas da l'opportunitad n'èn betg admessas.

Art. 37 Participaziuns ad auters emetturs da programs

Participaziuns da la SSR ad auters emetturs da programs ston veginir approvadas dal DATEC.

3. chapitel Auters emetturs cun ina incarica da prestaziun

1. secziun

Concessiuns cun ina incarica da prestaziun e cun dretg d'ina part da la taxa

Art. 38 Princip

¹ Concessiuns cun ina incarica da prestaziun e cun dretg d'ina part da la taxa (concessiuns cun dretg d'ina part da la taxa) pon veginir dadas ad emetturs da programs locals e regionalas, che:

- a. provedan ina zona, che n'ha betg pussaivladads da finanziaziun suffizientas, cun programs da radio e televisiun che tegnan quint da las particularitads localas u regionalas cun infurmarr en moda cumplessiva en spezial davart connexs politics, economics e socials e contribueschan al svilup da la vita culturala en la zona da provediment;

³⁹ SR 614.0

- b. contribueschan en las aglomeraziuns – grazia a programs da radio cumplimentars senza finamira da rendita – ad ademplir l'incarica da prestazion constituiunala.

² Concessiuns cun dretg d'ina part da la taxa constitueschan il dretg da derasar il program en ina tscherta zona da provediment (dretg d'access) sco er da survegnir ina part dal retgav da las taxas da radio e televisiun.

³ Per mintga zona da provediment vegn dada ina concessiun cun dretg d'ina part da la taxa.

⁴ La concessiun fixescha almain:

- la zona da provediment sco er il gener da la diffusiun;
- las prestaziuns pretendidas pertutgant il program e las pretensiuns maneschialas ed organizatoricas ch'en necessarias per quai;
- ulteriuras exigenzas e cundiziuns ch'il concessiunari sto ademplir.

⁵ ...⁴⁰

Art. 39 Zonas da provediment

¹ Suenter avair consultà la Cumissiun federala da communicaziun fixescha il Cussegl federal il dumber e l'extensiun da las zonas da provediment, per las qualas vegnan dadas concessiuns cun dretg d'ina part da la taxa, sco er il gener da diffusiun en la zona da provediment respectiva. En quest connex fa el la differenza tranter las zonas da provediment per radio e las zonas da provediment per televisiun.

² Las zonas da provediment tenor l'artitgel 38 alinea 1 litera a ston vegnir fixadas uschia:

- ch'ellas furman in'unidad politica e geografica ubain ch'ils contacts culturals u economics èn spezialmain stretgs en elllas; e
- che lur pussaivladads da finanziazion ch'en avant maun permettan a l'emettur – cun agid d'ina part commensurada dal retgav da las taxas da radio e televisiun – d'ademplir sia incarica da prestazion.

³ Excepziuns pon vegnir previsas per programs regionalis che vegnan emess en in territori al cunfin linguistic en almain duas linguis naziunalas.

⁴ Il dumber e l'extensiun da las zonas da provediment vegnan controllads periodicalminal dal Cussegl federal, il pli tard però suenter 10 onns. Adattaziuns minimalas da l'extensiun po far il DATEC.

⁵ Avant che determinar las zonas da provediment ed avant che far midadas essenzialas vegnan tadlads cunzunt ils chantuns ed ils emetturs concessiunads ch'en pertutgads directamain.

⁴⁰ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBl 2013 4975).

Art. 40 Parts da la taxa

¹ Las parts da la taxa per emetturs cun dretg d'ina part da la taxa tenor l'artitgel 68^a alinea 1 litera b importan 4 fin 6 pertschient dal retgav da la taxa da radio e televisiun. Il Cussegl federal determinescha:

- a. cur ch'el fixescha l'autezza da la taxa, las parts che stattan a disposiziun al radio respectivamain a la televisiun, resguardond il basegn per ademplir las incaricas da prestaziun tenor l'artitgel 38 alinea 1;
- b. la part procentuala maximala che la part da la taxa dastga importar cumpareglià cun ils custs da manaschi dal singul emettur.⁴¹

² Il DATEC fixescha per ina tscherta perioda la part da mintga concessiunari vi dal retgav da las taxas da radio e televisiun. El resguarda la grondezza ed il potenzial economic da la zona da provediment sco er la lavur ch'il concessiunari sto impunder per ademplir l'incarica da prestaziun inclusiv ils custs da diffusiun.

³ Applitgablas èn las disposiziuns da la Lescha da subvenziuns dals 5 d'october 1990⁴².

Art. 41 Obligaziuns dals emetturs da programs cun ina concessiun cun dretg d'ina part da la taxa

¹ Ils emetturs da programs che disponan d'ina concessiun cun dretg d'ina part da la taxa ston ademplir l'incarica da prestaziun fixada en la concessiun. Per garantir l'adempilment da l'incarica da prestaziun e l'autonomia en la concepziun dals programs po il Cussegl federal fixar ulteriuras obligaziuns. En spezial po el obligar l'emettur da far in model directiv ed in statut da redacziun.

² Emetturs da programs cun ina concessiun cun dretg d'ina part da la taxa ston duvrar ils medis finanziars en moda economica e confurm a las prescripcziuns. Distribuziuns dal gudogn n'èn betg admissiblas. La diffusiun dal program che vegg finanzià tras la taxa sto vegnir separada en la contabilitad d'eventualas otras activitads economicas dal concessiunari. Sch'ina interpresa, che vegg controllada economicamain dal concessiunari, furnescha prestaziuns en connex cun il program, procura il concessiunari che questas prestaziuns vegnian separadas en la contabilitad da las otras activitads.⁴³

³ La collavorazion cun auters emetturs na dastga betg periclitar l'adempilment da l'incarica da prestaziun u l'autonomia en la concepziun dals programs.

Art. 42 Surveglianza da las finanzas

¹ Il concessiunari preschenta al UFCOM mintga onn il quint. Quel examinescha, sch'ils medis finanziars èn vegnids utilisads en moda economica e confurm a l'intent. Cas contrari po el reducir u pretender enavos las parts da la taxa d'in concessiunari.

⁴¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁴² SR 616.1

⁴³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

² Il UFCOM po er pretender infurmaziuns dal concessiunari e da las persunas ch'èn obligadas da dar infurmaziuns tenor l'artitgel 17 alinea 2 literas a-c e controllar las finanzas tar il concessiunari.

³ Puras controllas da l'opportunitad n'èn betg admessas.

2. secziun

Concessiuns cun ina incarica da prestazion senza dretg d'ina part da la taxa

Art. 43

¹ Il DATEC po dar ad auters emetturs da programs ina concessiun per derasar in program sin via terrestre e senza fil, sche quest program:

- a. tegna quint en ina zona da las particularitads localas u regiunalas cun infurmari en moda cumplecta en spezial davart connexs politics, economics e socials e contribuescha al svilup da la vita culturala en la zona da provediment;
- b. gida spezialmain ad ademplir l'incarica da prestazion constituziunala en ina regiun linguistica.

² La concessiun definescha la dimensiun da l'access a la diffusioen e l'incarica da prestazion concernent il program. Il DATEC po fixar ulteriuras obligaziuns per garantir l'adempilment da l'incarica da prestazion e l'autonomia en la concepziun dals programs.

3. secziun Prescripcions concernent las concessiuns

Art. 44 Cundiziuns generalas per dar ina concessiun

¹ Ina concessiun po vegnir dada, sch'il petent:

- a. è en cas d'adempilir l'incarica da prestazion;
- b. cumprova vardaivlamain ch'el possia finanziar las investiziuns necessarias e la gestiun;
- c. cumprova a l'autoritat da concessiun, tgi che dispona da las parts essenzialas da ses chapital e tgi che al metta a disposiziun medis finanzials impurtants;
- d. garantescha ch'el observa las prescripcions dal dretg da lavur e las cundiziuns da lavur da la branscha, il dretg appligabel ed en spezial las obligaziuns e las cundiziuns ch'èn colliadas cun la concessiun;
- e. separa la lavur redacziunala da las activitads economicas;
- f. è ina persuna naturala cun domicil en Svizra u ina persuna giuridica cun sedia en Svizra;

g.⁴⁴ ...

² Uschenavant ch'i na s'opponan naganas obligaziuns internaziunalas, po la concessiun vegnir refusada ad ina persuna giuridica che vegg controllada da l'exterior, ad ina persuna giuridica svizra cun participaziun da l'exterior u ad ina persuna naturala senza dretg da burgais svizzer, sch'il stadi ester correspondent na conceda betg la reciprocitat en ina dimensiun sumeglianta.

³ In emettur respectivamain l'interpresa, a la quala l'emettur appartegna, po survegnir maximalmain duas concessiuns da televisiun e duas concessiuns da radio. Il Cussegli federal po prevair excepziuns per l'introducziun da novas tecnologias da diffusio.⁴⁵

Art. 45 Procedura da concessiunament

¹ Las concessiuns vegnan dadas dal DATEC. Il UFCOM publitgescha las concessiuns per regla; el po tadlar ils circuls interessads.

^{1bis} Las concessiuns pon vegnir prolungadas senza publicaziun uffiziala, en spezial sche la situaziun en las zonas da provediment u midadas tecnologicas signifitgan sfidas particularas per ils emetturs da programs. En quest connex vegg resguardà l'adempilment da l'incarica da prestaziun fin ussa.⁴⁶

² Per dar concessiuns da curta durada po il Cussegli federal prevair ina procedura speziala.

³ Sch'i vegnan inoltradas pliras annunzias per ina concessiun publitgada, vegg favurisà quel petent ch'è il meglier en cas d'adempilir l'incarica da prestaziun. Sche pliras annunzias èn per gronda part equivalentas sut quest aspect, vegg favurisà quel petent che enrigescha il pli fitg la diversitat da las opiniuns e da las purschidas.

⁴ Concessiuns per programs che vegnan derasads sin via terrestre e senza fil vegnan per regla dadas avant la publicaziun uffiziala da las concessiuns correspondentes da radiocomunicaziun tenor l'artitgel 22a LTC^{47,48}

Art. 46 Durada e scadenza da la concessiun

¹ Mintga concessiun vegg dada per in tschert temp. Concessiuns cumparegliables han per regla il medem termin da scadenza.

² Ina concessiun extingua en cas d'ina renunzia da vart da l'emettur da programs, en cas d'ina privaziun e sche sia durada è scadida.

⁴⁴ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBI 2013 4975).

⁴⁵ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁴⁶ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁴⁷ SR 784.10

⁴⁸ Versiun tenor la cifra 6 da l'aggiunta da la LF dals 22 da mars 2019, en vigur dapi il 1. da schan. 2021 (AS 2020 6159; BBI 2017 6559).

Art. 47 Adempliment da l'incarica da prestaziun

- 1 Il UFCOM examinescha, sch'il program concessiunà ademplescha l'incarica da prestaziun. Per sclerir quai po el engaschar posts spezialisads externs u experts.
- 2 Sch'el constatescha mancanzas considerablas, prenda el mesiras. El po scursanir en spezial il dretg da parts da la taxa per maximalmain la mesedad, fin che las mancanzas èn eliminadas.

Art. 48 Transferiment da la concessiun

- 1 Il transferiment da la concessiun sto vegnir annunzià al DATEC avant ch'el saja vegni fatg e sto vegnir approvà da tal.
- 2 Il DATEC examinescha, sche las premissas da la concessiun èn ademplidas er suenter il transferiment. El po refusar l'approvaziun entaifer 3 mais a partir da l'entrada da l'annunzia; en cas spezials po quest termin vegnir prolunga.
- 3 Sco transferiment vala er la surdada economica da la concessiun. Ina tala è avant maun, sche dapli che 20 pertschient dal chapital d'aczias, dal chapital da basa u dal chapital da la societad cooperativa ubain eventualmain dal chapital da certificats da participaziun u dals dretgs da votar.

Art. 49 Midada da la concessiun

- 1 Il DATEC po midar singulas disposiziuns da la concessiun avant lur scadenza, sche las relaziuns effectivas u giuridicas èn sa midadas e sche la midada è necessaria per mantegnair interess publics impurtants.
- 2 Il concessiunari vegn indemnisià commensuradament, sche la midada restrenschia essenzialmain ils dretgs fixads en la concessiun. El na survegn nagina indemnisiaziun, sche l'adattaziun sa basa sin interess impurtants da la Svizra u sin ina midada d'obligaziuns internaziunalas.
- 3 Sin dumonda da l'emettur da programs po il DATEC midar singulas disposiziuns, sche la midada proponida correspunda a las premissas per dar la concessiun.

Art. 50 Restricziun, suspensiun e privaziun da la concessiun

- 1 Il DATEC po restrensccher, suspender u retrair per part la concessiun, sche:
 - a. il concessiunari l'ha obtegnida faschond indicaziuns incumpletas u faussas;
 - b. il concessiunari ha cuntrafatg en moda gravanta cunter questa lescha e cunter las disposiziuns executivas;
 - c. il concessiunari cuntrafa permanentamain – malgrà las mesiras tenor l'artigel 47 alinea 2 – cunter sias obligaziuns fixadas en la concessiun;
 - d. il concessiunari utilisescha la concessiun en moda gravanta per intets illegals;
 - e. interess impurtants da la Svizra pretendan quai.
- 2 Il DATEC retira la concessiun, sche premissas essenzialas per la dar èn scadidas.

³ Il concessunari ha il dretg d'ina indemnisaziun, sch'il DATEC:

- a. retira la concessiun, perquai che premissas essenzialas per la dar èn scadidas per motivs, per ils quals la Confederaziun sto star bun;
- b. suspenda u retira la concessiun, perquai che interess impurtants da la Svizra pretendan quai.

3. titel Transmissiun e preparaziun da programs

1. chapitel Reglas generalas

Art. 51 Princip

¹ Ils emetturs da programs pon derasar sezs lur programs sin basa da las disposiziuns dal dretg da telecommunicaziun ubain incumbensar in purschider da servetschs da telecommunicaziun da derasar ils programs.

² Ils servetschs da diffusio veggan purschids en moda adequata, betg discriminanta e resguardond l'egalitatad da las schanzas.

³ L'artitgel 47 LTC⁴⁹ davart la communicaziun en situaziuns extraordinarias è applicabel per emetturs che derasan sezs lur programs.

Art. 52 Restricziuns

¹ Il UFCOM po restrenscher u scumandar la transmissiun d'in program cun agid da la tecnica da telecommunicaziun, sche quel:

- a. violescha il dretg da telecommunicaziun internaziunal ch'è liant per la Svizra;
- b. violescha permanentamain e grevemain las prescripziuns dal dretg internaziunal davart la concepziun da programs, davart la reclama u davart il sponsuradi ch'èn liantas per la Svizra; u
- c. è suttamess ad in scumond d'emissiun tenor l'artitgel 89 alinea 2.

² Cunter la disposiziun dal UFCOM pon far recurs tant l'emetтур dal program respectiv sco er il purschider da servetschs da telecommunicaziun che derasa u che fa derasar il program.

³ ...⁵⁰

⁴⁹ SR 784.10

⁵⁰ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBI 2013 4975).

2. chapitel Diffusiun da programs sin via terrestre e senza fil

Art. 53 Programs cun dretg d'access

Il dretg d'access a la diffusiun terrestre senza fil han en il rom da la concessiun:

- a. ils programs da la SSR;
- b. ils programs dals emetturs da programs che disponan d'ina concessiun cun incarica da prestazion.

Art. 54⁵¹ Frequenzas per ils programs

¹ Il Cussegl federal procura ch'i stettian a disposiziun avunda frequenzas per ademplir l'incarica da prestazion constituzionala da radio e televisiun (art. 93 al. 2 Cst.). En spezial procura el ch'ils programs cun dretg d'access possian vegnir derasads en la zona da provediment previs sin via terrestre e senza fil, ed el fixescha ils princips decisivs en quest regard.

² Per las frequenzas u per ils blocs da frequenzas che vegnan applitgads tenor il plan naziunal d'attribuzion da las frequenzas (art. 25 LTC⁵²) per la diffusiun da programs da radio e televisiun fixescha el:

- a. il territori da diffusiun;
- b. il dumber da programs da radio u televisiun che ston vegnir derasads u las capacitads da transmissiun che ston vegnir reservadas per la diffusiun dals programs.

³ Per segirar il provediment da la populaziun en situaziuns extraordinarias procura il DATEC ch'i possia vegnir garantida ina diffusiun suffizienta da programs tenor las prescripziuns dal Cussegl federal.

Art. 55 Obligaziun e cundiziuns da diffusiun

¹ Tgi che acquista ina concessiun da radiocomunicaziun per applitgar ina frequenza ch'è destinada per derasar in program cun dretg d'access, sto derasar quel en qualitat suffizienta ed a norma da la concessiun dal program sco er a norma da la concessiun da radiocomunicaziun dal dretg da telecommunicaziun.

² Ils emetturs da programs pajan al titular d'ina concessiun da radiocomunicaziun ina indemnisazion ch'è orientada als custs per derasar programs cun dretg d'access. Il Cussegl federal regla ils custs imputabels. Sche la concessiun da radiocomunicaziun vegn surdada en ina procedura d'ingiant, na vegn il pretsch d'agiudicaziun tenor l'artigel 39 alinea 4 LTC⁵³ betg agiuntà als custs imputabels.

³ Il Cussegl federal po extender l'obligaziun da diffusiun a servetschs ch'èn cumbinads cun programs cun dretg d'access.

⁵¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

⁵² SR 784.10

⁵³ SR 784.10

Art. 56 Procedura da reconciliazun e da decisiun

¹ Sche las partidas na pon betg sa cunvegnir entaifer 3 mais davart l'obligaziun e las cundiziuns da diffusiuon, decida il UFCOM.

² El sa basa per sia decisiun sin valurs da cumparegliazun svizras u estras, nun che las partidas fetschian valair meds da cumprova che giustifitgeschan da divergiar da quai.

³ Per il temp tranter l'inoltraziun da la dumonda e la decisiun legalmain valaivla po el disponer provisoricamain la diffusiuon e fixar las cundiziuns finanzialas.

⁴ La procedura e l'obligaziun da dar infurmaziuns sa drizzan confurm al senn tenor las disposiziuns da la LTC⁵⁴ davart la concessiun da l'access tras purschiders che domineschan il martgà (art. 11, 11a ed 11b LTC).⁵⁵

Art. 57 Sustegn per la diffusiuon da programs da radio

¹ Sch'in emettur da programs che ha ina concessiun cun dretg d'ina part da la taxa tenor l'artigel 38 alinea 1 litera a vegn engrevgià cun custs supplementars per derasar ses program da radio sin via terrestre e senza fil en ina regiun muntagnarda, al paja il UFCOM ina contribuziun.

² Il Cussegl federal regla las premissas ed ils criteris da calculaziun, tenor ils quals il UFCOM paja las contribuziuns.

Art. 58⁵⁶ Promozion da novas tecnologias da diffusiuon

¹ Tras contribuziuns per installar e manar raits d'emetturs po il UFCOM sustegnair durant in temp limità l'introducziun da novas tecnologias per la diffusiuon da programs, uschenavant ch'i n'en avant maun naganas pussaivladads da finanziaziun suffizientas en la zona da provediment correspontenta.

² El po infumar la publicitat davart novas tecnologias, en spezial davart las premissas tecnicas e davart las pussaivladads d'applicaziun, e collaurar per quest intent cun terzas persunas.

³ Las prestaziuns da promozion tenor ils alineas 1 e 2 vegnan finanziadas tras il retgav da la taxa da concessiun (art. 22) e, sche quel na basta betg, tras il retgav da la taxa da radio e televisiun.

⁴ Tar la fixazion da l'autezza da la taxa da radio e televisiun (art. 68a) determinescha il Cussegl federal la part che stat a disposiziun per las prestaziuns da promozion. Quella importa maximalmain 1 pertschient da l'entir retgav da la taxa.

⁵ Il Cussegl federal determinescha tgi che ha il dretg da prestaziuns da promozion e fixescha las premissas per survegnir talas.

⁵⁴ SR 784.10

⁵⁵ Guardar l'art. 106 cifra 1 qua sutvart.

⁵⁶ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

3. chapitel Diffusiun sur lingias

Art. 59 Programs cun dretg d'access e programs esters

¹ En lur zona da provediment ston veginir derasads sur lingias:

- a. ils programs da la SSR en il rom da la concessiun;
- b. ils programs, per ils quals exista ina concessiun cun incarica da prestazion.

² Ultra da quai po il Cussegli federal determinar programs d'emetturs esters che ston veginir derasads sur lingias pervia da lur contribuziun speziala a favur da la furmaziun, dal svilup cultural u da la libra furmaziun da l'opiniun.

³ Il Cussegli federal fixescha il dumber maximal dals programs cun dretg d'access tenor ils alineas 1 e 2 en il rom da las pussaivladads tecnicas dals purschiders da servetschs da telecommunicaziun. Ils programs ston veginir derasads gratuitamain ed en qualitat suffizienta.

⁴ Obligà da derasar è en emprima lingia quel purschider da servetschs da telecommunicaziun che derasa gia programs en la zona da provediment e che cuntanscha uschia las bleras chasadas. Il UFCOM po obligar pli ch'in purschider da servetschs da telecommunicaziun per zona da provediment, sche quai è necessari per garantir ch'in program possia veginir recepi da la generalitat. En cas d'ina refusaziun po il UFCOM disponer preventivamain la furniziun immediata.

⁵ Sche l'adempilment da questa obligaziun chaschuna ina grevezza economica insupportabla per ils purschiders da servetschs da telecommunicaziun obligads, obligecha il UFCOM ils emetturs da programs autorisads da pajar ina indemnisiun adequata.

⁶ Il Cussegli federal po extender l'obligaziun da diffusiun a servetschs ch'èn cumbinads cun programs cun dretg d'access.

Art. 60 Ulteriuras obligaziuns da furniziun

¹ Sin dumonda d'in emettur da programs obligecha il UFCOM in purschider da servetschs da telecommunicaziun da derasar per ina tscherta durada in program sur lingias en in territori determinà, sche:

- a. il program gida spezialmain ad ademplir l'incubensa constituiunala;
- b. la diffusiun è supportabla per il purschider da servetschs da telecommunicaziun, resguardond las capacitads da transmissiun disponiblas sco er la capacitat economica.

² Il Cussegli federal fixescha il dumber maximal da programs.

³ Il UFCOM po abolir il dretg avant la fin da la durada disponida, sche l'emettur da programs na furnescha betg pli las prestaziuns ch'èn veginidas fixadas en la dispositiun.

⁴ Il Cussegli federal po extender l'obligaziun da diffusiun a servetschs ch'èn cumbinads cun programs cun dretg d'access.

Art. 61 Diffusiun d'auters programs sur lingias

En cas da programs che na veggan betg derasads tenor ils artitgels 59 e 60, decida il purschider da servetschs da telecommunicaziun a norma da las capacitads che al stattan a disposizion per la diffusiun da programs. Per indemnizar ils custs da la diffusiun po en spezial er veginr resguardà il niz economic ch'il servetsch da diffusiun ha per l'emettur da programs.

Art. 61a⁵⁷ Televisiun differida

¹ Sco televisiun differida vala il program da televisiun d'in emettur da programs che vegg derasà e registrà tras in purschider da servetschs da telecommunicaziun e che vegg mess a disposizion da quest purschider – resguardond las disposiziuns dals dretgs d'autur – en moda integrala a sia clientella finala durant in temp limità per guardar sin dumonda.

² Senza il consentiment da l'emettur da programs na dastgan ils purschiders da servetschs da telecommunicaziun che offran televisiun differida far naginas midadas vi dals programs da televisiun ch'els derasan e registreschan en moda lineara. Las regulaziuns davart la reclama e davart il sponsuradi valan analogamain er per la televisiun differida.

³ Per garantir la protecziun da la giuventetgna po il Cussegl federal decretar disposiziuns davart l'accessibiladad da programs da televisiun en il rom da la televisiun differida. En quest connex resguarda el ils sistems da classificaziun da vegliadetgna renconuschids en Svizra.

Art. 62 Occupaziun da chanals

Il Cussegl federal po concluder ch'ils purschiders da servetschs da telecommunicaziun derasan ils programs che ston veginr emess tenor l'artitgel 59 alineas 1 e 2 sin chanals preferids.

4. chapitel Preparaziun da programs**Art. 63** Princips

¹ Ad emetturs da programs stoii veginr garantì l'access a la preparaziun sut cundiziuns adequatas, betg discriminantas e che resguardan l'egalitatad da las schanzas. Sche la preparaziun tras ils indrizs dal purschider da servetschs da telecommunicaziun corresponda per gronda part al stadi da la tecnica, n'ha l'emettur da programs nagin dretg d'avair agens indrizs per la preparaziun.

² Tgi che porscha servetschs che controlleschan sco surfatscha d'utilisaziun surordinada la selecziun da programs, sto procurar – tenor il stadi da la tecnica – ch'i veginia renvià en l'emprim pass d'utilisaziun cleramain als programs cun dretg d'access.

⁵⁷ Integrà tras la cifra 6 da l'agiunta da la LF dals 22 da mars 2019, en vigur dapi il 1. da schan. 2021 (AS 2020 6159; BBI 2017 6559).

³ Ils gestiunaris ed ils purschiders da servetschs u d'indrizs da preparaziun ston:

- a. dar e preschentar a terzas persunas che fan valair in interess legitim tut las infurmaziuns e tut ils documents ch'en necessaris per far valair ils dretgs tenor l'alinea 1;
- b. dar e preschentar sin dumonda al UFCOM tut las infurmaziuns e tut ils documents ch'en necessaris per examinar, sche las obligaziuns tenor las disposiziuns davart la preparaziun èn vegnidas observadas.

⁴ Il Cussegl federal po extender las disposiziuns davart la preparaziun a servetschs cumbinads.

⁵ Sch'i na dat náginas prescripziuns per tscherts fatgs, prenda il UFCOM las decisiuns ch'en necessarias en il cas singul per proteger la diversitat da las opiniuns e da las purschidas.

Art. 64 Interfatschas avertas e concepziun tecnica

Uschenavant che quai è necessari per garantir la diversitat da las opiniuns, po il Cussegl federal – suenter avair tadlà ils circuls pertutgads – prescriver interfatschas avertas u decretar autres disposiziuns davart la concepziun tecnica per indrizs u servetschs che servan a preparar programs. El resguarda en quest connex en moda adequata ils indrizs u ils servetschs ch'en già avant maun sin il martgà e conceda termins transitòries adequats.

Art. 65 Detretschament

¹ Tgi che porscha programs sco pachets cumbinads, tgi che maina indrizs u che porscha servetschs che servan a preparar programs, sto stgaffir las premissas tecnicas per che terzas persunas possian derasar questi programs separadamain a cundiziuns favuraivlas sco er ch'ellas possian duvrar individualmain ils indrizs respectivamain ils servetschs.

² Il Cussegl federal po decretar prescripziuns correspondantas davart il detretschament, uschenavant che quai è necessari per garantir la diversitat da las opiniuns.

4. titel Recepziun da programs

1. chapitel Libertad da recepziun

Art. 66 Libertad da recepziun

Mintga persuna è libra da recepir ils programs svizzers ed esters che sa drizzan a la generalitatad.

Art. 67 Scumond chantunal d'installar antennas

¹ Ils chantuns pon scumandar en tscherts territoris d'installar antennas exterius, sche:

- a. quai è necessari per proteger maletgs impurtants dal lieu e da la cuntrada, lieus istorics u monuments naturals e culturals; e
- b. la recepziun dals programs usitads en la regiun resta garantida sut cundiziuns raschunaivlas.

² L'installaziun d'ina antenna exteriura che permetta da recepir ulteriurs programs sto vegnir permessa excepcionalmain, sche l'interess da recepir ils programs predominescha l'interess da la protecziun dal lieu e da la cuntrada.

2. chapitel⁵⁸ Taxa da radio e televisiun

1. secziun Disposiziuns generalas

Art. 68 Princip

¹ La Confederaziun incassescha ina taxa per finanziar l'adempliment da l'incarica da prestaziun constituziunala da radio e televisiun (art. 93 al. 2 Cst.).

² La taxa vegn incassada per chasada e per interpresa.

³ Il retgav e l'utilisaziun da la taxa na figureschan betg en il quint da la Confederaziun, cun excepciuon da las indemnisiuns ch'en da pajar a la Confederaziun.

Art. 68a Autezza da la taxa e clav da repartizion

¹ Il Cussegl federal fixescha l'autezza da la taxa da chasadas e da la taxa d'interpresa. Decisiv è il basegn per:

- a. finanziar ils programs da la SSR e l'ulteriura purschida publicistica da la SSR ch'è necessaria per ademplir l'incumbensa da program (art. 25 al. 3 lit. b);
- b. sustegnair programs da concessiunaris cun dretg d'ina part da la taxa (art. 38–42);
- c. sustegnair la Fundaziun per la retschertga davart l'utilisaziun da radio e televisiun (art. 81);
- d. promover l'installaziun da raits d'emetturs en il rom da l'introducziun da novas tecnologias da diffusiuon (art. 58);
- e. finanziar la preparaziun d'emissiuns da programs da televisiun regionalis concessiunards per persunas cun impediments d'udida (art. 7 al. 4);
- f. las incumbens da l'organ d'incassament, da l'Administraziun federala da taglia (AFT), dal UFCOM sco er dals chantuns e da las vischnancas en connex cun incassar la taxa e cun far valair l'obligaziun da pajar la taxa (art. 69d–69g e 70–70d);
- g. finanziar il mantegniment da programs (art. 21).

⁵⁸ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

² Il Cussegli federal fixescha, co ch'il retgav da la taxa vegn reparti sin ils intents d'utilisaziun tenor l'alinea 1. El po determinar separadamain las parts per ils programs da radio, per ils programs da televisiun e per l'ulteriura purschida publicistica da la SSR.

³ En sia decisiu davart l'autezza da la taxa resguarda il Cussegli federal la recumandaziun dal survegliader dals pretschs. Divergenzas da las recumandaziuns ston vegnir motivadas publicamain.

2. secziun Taxa da chasadas

Art. 69 Disposiziuns generalas

¹ L'obligaziun dals commembres d'ina chasada da pajar la taxa cumenza l'emprim di dal mais che suonda la fundaziun da la chasada e finescha l'ultim di dal mais che la chasada vegn schliada.

² Decisiva per incassar la taxa è la fundaziun da la chasada, sco quai ch'ella è inscritta en il register chantunal u communal d'abitants.

³ Il Cussegli federal regla la periodicidad da la taxa, il mument che la taxa sto vegnir pajada sco er sia surannaziu.

Art. 69a Chasadas privatas: obligaziun da pajar la taxa

¹ Per mintga chasada privata sto vegnir pajada ina taxa da la medema autezza.

² La definiziun da la chasada privata sa drizza tenor la legislaziun davart l'armonizaziun dals registers.

³ Per la taxa d'ina chasada stattan bunas solidaricamain quellas personas maiorennas che adempleschan in dals sustants criteris:

a. la chasada è lur domicil principal, analogamain a la definiziun da la vischnanca da domicil tenor l'artitgel 3 litera b da la Lescha dals 23 da zercladur 2006⁵⁹ davart l'armonisaziun dals registers (LAR); u

b. ellas n'hant nagin domicil principal en Svizra e la chasada è lur domicil secundar, analogamain a la definiziun da la vischnanca da dimora tenor l'artitgel 3 litera c LAR.

⁴ La responsabladad d'ina persona s'estenda sin las pretensiuns da las periodas da taxaziun, al cumenzament da las qualas questa persona appartegna a la chasada correspondenta.

⁵ Sche tut las personas maiorennas bandunan entaifer in mais la chasada, a la quala ellas appartegnevan il cumenzament dal mais, vala la chasada sco schliada l'ultim di da quest mais.

Art. 69b Chasadas privatas: dispensaziun da l'obligaziun da pajar la taxa

¹ Da l'obligaziun da pajar la taxa veggan dispensadas:

- a. sin lur dumonda persunas che survegnan prestaziuns annualas tenor l'artitgel 3 alinea 1 litera a da la Lescha federala dals 6 d'october 2006⁶⁰ davart las prestaziuns supplementaras tar l'assicuranza per vegls, survivents ed invaliditat; la dispensaziun vala retroactivamain a partir dal cumenzament da la retratga da questas prestaziuns supplementaras, maximalmain dentant 5 onns avant che la dumonda è entrada tar l'organ d'incassament;
- b. persunas che giaudan privilegis, immunitads e facilitaziuns tenor l'artitgel 2 alinea 2 da la Lescha dals 22 da zercladur 2007⁶¹ davart il stadi ospitant (LSO) e che han il status da diplomat, premess ch'ellas na sajan betg burgaisas svizras; il Cussegl federal regla la dispensaziun d'ulteriuras persunas che giaudan privilegis, immunitads e facilitaziuns e che appartegnan al persunal dals beneficiariis instituzionalis tenor l'artitgel 2 alinea 1 literas d, e ed f LSO, premess ch'ellas na sajan betg burgaisas svizras.

² Sch'in commember d'ina chasada privata ademplescha las premissas da dispensaziun tenor l'alinea 1, scroda l'obligaziun da pajar la taxa per tut ils commembers da la chasada respectiva.

Art. 69c Chasadas collectivas

¹ Per mintga chasada collectiva sto veginr pajada ina taxa da la medema autezza.

² La definiziun da la chasada collectiva sa drizza tenor la legislaziun davart l'armonisaziun dals registers.

³ La taxa sto veginr pajada da l'instituzion da dretg privat u public ch'è responsabla per la chasada collectiva.

Art. 69d Incassament da la taxa da chasadas

¹ Il Cussegl federal po delegar l'incassament da la taxa da chasadas e las incumbensas che resultan en quest connex ad in organ d'incassament ordaifer l'administrazion federala. La legislaziun davart las acquisiziuns publicas è applitgabla.

² Il UFCOM surveglia l'organ d'incassament.

Art. 69e Incumbensas e cumpetenzas da l'organ d'incassament

¹ L'organ d'incassament po decretar disposiziuns:

- a. envers ils debiturs da la taxa: davart l'obligaziun da pajar la taxa;
- b. envers ils chantuns e las vischnancas: davart lur indemnisiuzion tenor l'artitgel 69g alinea 4.

⁶⁰ SR 831.30

⁶¹ SR 192.12

² En quest connex daventa l'organ d'incassament activ sco autoritat en il senn da l'artitgel 1 alinea 2 litera e LFPA⁶². El po eliminar l'opposiziun en proceduras da scüssiun tenor l'artitgel 79 da la Lescha federala dals 11 d'avrigl 1889⁶³ davart la scüssiun ed il concurs (LSC), ed el vala sco autoritat administrativa en il senn da l'artitgel 80 alinea 2 cifra 2 LSC.

³ El na dastga pratitgar naginas autres activitads economicas che quellas ch'en vegnidias delegadas tenor questa lescha.

⁴ El publitgescha mintga onn in rapport davart sia activitatad sco er ses quint annual.

Art. 69f Elavuraziun da datas tras l'organ d'incassament

¹ Per sclerir la dispensaziun da l'obligaziun da pajar la taxa tenor l'artitgel 69b alinea 1 litera a po l'organ d'incassament elavurar datas che permettan da trair conclusiuns davart la sanadad d'ina persuna sco er davart mesiras da l'agid social che concernan questa persuna. L'elavuraziun da datas sa drizza tenor las disposiziuns da la Lescha federala dals 25 da settember 2020⁶⁴ davart la protecziun da datas (LPD) che valan per ils organs federales.⁶⁵

² L'organ d'incassament prenda las mesiras organizatoricas e tecnicas, per che las datas sajan segiradas cunter elavuraziuns nunautorisadas. Las datas ch'el obtegna en connex cun sia actividad tenor questa lescha dastga el elavurar mo per incassar la taxa, ed el dastga surdar questas datas a terzas personas mo per quests intents.

³ Datas che permettan da trair conclusiuns davart la sanadad d'ina persuna sco er davart mesiras da l'agid social che concernan questa persuna, na dastga betg vegnir communigadas a terzas personas. Questas datas dastga vegnir arcunadas tar terzas personas en furma codada (codaziun dal cuntegn). Las datas dastga vegnir decodadas mo tras l'organ d'incassament. Las personas ch'en incaricadas cun lavurs da tgira, da mantegniment u da programmazion dastga elavurar talas datas en ils sistems d'infurmaziun, sche quai è necessari per ademplir lur incumbensas e sche la segirezza da las datas è garantida. Il cuntegn da las datas na dastga betg vegnir midà qua tras.

⁴ L'organ d'incassament sto surdar ad in eventual successur a temp, gratuitamain ed en furma electronica las datas ch'en necessarias per incassar la taxa. Suenter la surdada sto el destruir las datas che na vegnan betg pli duvradas.

Art. 69g Retratga da las datas davart las chasadas

¹ Las datas davart las chasadas e davart las personas appartegnentas ch'en necessarias per incassar la taxa retira l'organ d'incassament dals sustants registers:

- a. dals registers d'abitants (art. 2 al. 2 lit. a LAR⁶⁶);

⁶² SR **172.021**

⁶³ SR **281.1**

⁶⁴ SR **235.1**

⁶⁵ Versiun da la segunda frasa tenor la cifra II 69 da l'agiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBI **2017** 6941).

⁶⁶ SR **431.02**

- b. dal sistem d'infurmaziun Ordipro dal Departament federal d'affars exteriors (art. 2 al. 1 lit. c LAR).

² El retira las datas da la plattaforma d'informatica e da communicaziun da la Confederaziun tenor l'artitgel 10 alinea 3 LAR.

³ Ils chantuns e las vischnancas mettan a disposizion a l'organ d'incassament en furma codada las datas da lur registers d'abitants, e quai tenor las cundiziuns ed en la periodicidad che vala per la furnizion a la plattaforma d'informatica e da communicaziun da la Confederaziun.

⁴ L'organ d'incassament paja a las vischnancas ed als chantuns contribuziuns che derivan dal retgav da la taxa per lur investiziuns specificas ch'èn necessarias per pudair transmetter las datas a quest organ.

⁵ L'organ d'incassament po duvrar sistematicamain il numer da la AVS⁶⁷ tenor l'artitgel 50c da la Lescha federala dals 20 da december 1946⁶⁸ davart l'assicuranza per vegls e survivents (LAVS):

- a. per ademplir sias incumbensas en connex cun l'incassament da la taxa;
- b. per survegnir da las vischnancas e dals chantuns indicaziuns pli precisas davart las datas furnidas.

⁶ Il Cussegl federal determinescha, tge datas che l'organ d'incassament po retrair tenor l'alinea 1. El regla ils detagls davart la dimensiun e l'elavuraziun da las datas, davart la periodicidad da las furniziuns da datas sco er davart las contribuziuns als chantuns ed a las vischnancas tenor l'alinea 4.

3. secziun Taxa d'interpresas

Art. 70 Obligaziun da las interpresas da pajar la taxa

¹ Ina interpresa è obligada da pajar la taxa, sch'ella ha cuntanschi, durant la perioda fiscala terminada l'onn chalendar precedent tenor l'artitgel 34 da la Lescha federala dals 12 da zercladur 2009⁶⁹ davart la taglia sin la plivalur (LTPV), la svieuta minimala fixada dal Cussegl federal.

² Sco interpresa vala, tgi ch'è inscrit tar la AFT en il register da las persunas obligadas da pajar la taglia sin la plivalur ed ha sia sedia, ses domicil u ses stabiliment en Svizra. Betg sco interpresa na vala ina societad simpla tenor l'artitgel 530 dal Dretg d'obligaziuni^{70,71}

⁶⁷ Expressiun tenor la cifra 16 da l'agiunta da la LF dals 18 da dec. 2020 (diever sistematic dal numer da la AVS tras las autoritads), en vigur dapi il 1. da schan. 2022 (AS 2021 758; BBI 2019 7359).

⁶⁸ SR 831.10

⁶⁹ SR 641.20

⁷⁰ SR 220

⁷¹ Versiun tenor la cifra I da la LF dals 18 da dec. 2020 (obligaziun da las interpresas da pajar la taxa), en vigur dapi il 1. da schan. 2021 (AS 2021 239; BBI 2020 4485).

³ Sco svieuta en il senn da l'alinea 1 vala la svieuta totala ch'ina interpresa ha cuntaschi e ch'è da declarar tenor la LTPV, senza la taglia sin la plivalur, independentamain da sia qualificaziun sut l'aspect da la taglia sin la plivalur. Nua ch'i vegg appligada la taxaziun da gruppera, è decisiva la svieuta totala da la gruppera da la taglia sin la plivalur.

⁴ Il Cussegl federal fixescha la svieuta minimala uschia, che interpresas pitschnas èn dispensadas da la taxa.

⁵ L'autezza da la taxa sa drizza tenor la svieuta. Il Cussegl federal fixescha plirs stgalims da svieuta cun mintgamai ina tariffa per stgalim (categorias tariffaras).

Art. 70a Incassament da la taxa d'interpresas

¹ La AFT incassescha la taxa.

² Per mintga interpresa ch'è obligada da pajar la taxa determinescha la AFT mintga onn, en il rom da l'incassament da la taglia sin la plivalur, sia classificaziun en ina categoria tariffara e metta a quint questa taxa.

³ Sch'ina interpresa na dispona betg d'in rendaquit u sche quel è evidentamain insufizient, attribuescha la AFT l'interpresa ad ina categoria tariffara tenor apprezziar.

⁴ Sch'i n'è per il moment betg pussaivel d'attribuir l'interpresa ad ina categoria tariffara per la perioda fiscala terminada l'onn chalendar precedent, metta la AFT a quint la taxa pir, cur che la categoria tariffara è determinada.

Art. 70b Pajament da la taxa ed execuziun

¹ La taxa sto mintgamai vegnir pajada entaifer 60 dis suenter ch'ella è vegnida messa a quint, ed ella surannescha 5 onns suenter ch'ella avess stuì vegnir pajada. Per pajaments retardads vegn debità senza admonizion in tschains da retard da 5 pertschient per onn.

² Sche la persuna ch'è obligada da pajar la taxa fa opposiziun, decretescha la AFT ina disposiziun davart l'autezza da la taxa debitada ed eliminescha a medem temp l'opposiziun tenor l'artitgel 79 LSC⁷².

³ En cas da contestaziun ha la collocaziun definitiva lieu pir, cur ch'ina disposiziun ha survegnì forza legala.

⁴ La taxa debitada e messa a quint po vegnir scuntrada cun indemnisiations da la taglia sin la plivalur.

⁵ Per garantir la taxa valan ils artitgels 93–95 LTPV⁷³. Per la cunresponsabludad e per la successiun valan ils artitgels 15 e 16 LTPV.

⁶ La procedura sa drizza tenor la LFPA⁷⁴.

⁷² SR 281.1

⁷³ SR 641.20

⁷⁴ SR 172.021

Art. 70c Rapport da la AFT

¹ En sia contabilitad sto la AFT separar l'activitat per incassar la taxa da las ulteriuras activitads.

² Ella publidgescha mintga onn il quint annual ed in rapport davart sia activitat en connex cun l'incassament da la taxa.

Art. 70d Elavurazion da datas ed obligaziun da secretezza

¹ La AFT elavura mo las datas ch'ella dovrà per ademplir las incumbensas tenor questa lescha. Valair valan las disposiziuns da la LTPV⁷⁵ davart l'elavurazion da datas.

² L'obligaziun da secretezza e sias excepziuns tenor l'artitgel 74 LTPV valan er en il rom da l'incassament da la taxa.

3. chapitel Taxes d'utilisazion per la recepziun terrestre senza fil⁷⁶**Art. 71 ...⁷⁷**

Ils chantuns pon prevair taxas per la recepziun da programs da radio e televisiun che vegnan derasads sin via terrestre e senza fil, e quai sin basa d'in mandat da distribuzion public.

5. titel**Mesiras per proteger la diversitat e per promover la qualitat dals programs****1. chapitel Garanzia da l'access als eveniments publics****Art. 72 Dretg da rapportar curtamain en cas d'eveniments publics**

¹ Sch'il rapport davart in eveniment public en Svizra è restrenschì tras cunvegnas d'exclusivitat, ha mintga emettur da programs interessà il dretg da rapportar curtamain en moda actuala e confirma a las medias davart quest eveniment.

² L'organisatur d'in eveniment public e l'emettur da programs che possedan dretgs d'emprima diffusiu u dretgs d'exclusivitat, èn obligads da dar a mintga emettur da programs interessà la pussaivladad da rapportar curtamain.

³ Els dattan als emetturs da programs interessads:

⁷⁵ SR 641.20

⁷⁶ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁷⁷ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBI 2013 4975).

- a. access a l'eveniment, per quant che la tecnica e las circumstanzas dal spazi permettan quai; e
- b. las parts giavischadas dal signal da transmissiun a cundiziuns raschunaivlas.

⁴ Il UFCOM po intimar ils organisaturs d'in eveniment public ed ils emetturs da programs che possedan dretgs d'emprima diffusiun u dretgs d'exclusivitat renviond a l'artitgel 90, da prender mesiras adequatas per garantir il dretg da rapportar curtamain.

Art. 73 Liber access als eveniments d'ina impurtanza considerabla per la societad

¹ Il rapportar davart eveniments d'ina impurtanza considerabla per la societad sto vegnir rendi libramain accessibel per ina part essenziala da la generalitat.

² Il DATEC maina ed actualisescha regularmain ina glista d'eveniments naziunals ed internaziunals d'ina impurtanza considerabla per la societad.

³ Las glistas che vegnan manadas dals stadi contractants da la Convenziun europeica dals 5 da matg 1989⁷⁸ davart la televisiun transcuinala èn impegnativas per ils emetturs da programs da televisiun svizzers en il stadi respectiv.

2. chapitel

Mesiras cunter la periclitaziun da la diversitat da las opiniuns e da las purschidas⁷⁹

Art. 74 Periclitaziun da la diversitat d'opiniun e da purschida

1 Ina periclitaziun da la diversitat d'opiniun e da purschida datti, sche:

- a. in emettur da programs fa abus da sia posiziun predominanta sin il martgà relevant;
- b. in emettur da programs u in'autra interpresa ch'è activa sin il martgà da radio e televisiun fa abus da sia posiziun predominanta sin in u plirs martgads relevancevs per las medias.

² Il DATEC consultescha la Cumissiun da concurrenza per giuditgar, sch'in emettur u ina interpresa ha ina posiziun dominanta sin il martgà en il senn da l'artitgel 4 alinea 2 da la Lescha da cartels dals 6 d'octobre 1995⁸⁰. La Cumissiun da concurrenza appligescha ils princips da la legislaziun davart ils cartels e po publitgar sia posiziun.⁸¹

⁷⁸ SR **0.784.405**

⁷⁹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS **2016** 2131; BBI **2013** 4975).

⁸⁰ SR **251**

⁸¹ Versiun da la frasa tenor la cifra I da la LF dals 26 da sett. 2014, en vigur dapi il 1. da fan. 2016 (AS **2016** 2131; BBI **2013** 4975).

Art. 75 Mesiras

¹ Sch'il DATEC constatescha – suenter avair consultà l'expertisa da la Cumissiun da concurrenza – ch'in emettur da programs u in'autra interpresa ch'è activa sin il martgà da radio e televisiun ha periclità la diversitat d'opiniun e da purschida cun far abus da sia posizion dominanta sin il martgà, po el prender mesiras en il sectur dal radio e da la televisiun. El decida per regla entaifer 3 mais suenter la communicaziun da l'expertisa.

² El po pretender da l'emettur da programs u da l'interpresa pertutgada ch'el u ella:

- a. prendia mesiras per garantir la diversitat, sco conceder temp d'emissiun destinà a terzas persunas u sco collavurar cun auters participants dal martgà;
- b. prendia mesiras cunter in schurnalissem da concern, sco decretar ina charta per garantir la libertad redacziunal;
- c. adatteschia, sche las mesiras èn evidentamain nunsuffizientas, las structuras da l'interpresa pertutgant sia gestiun e sia organisaziun.

3. chapitel**Scolaziun e furmaziun supplementara dal personal da program⁸²****Art. 76**

La Confederaziun po promover la scolaziun e la furmaziun supplementara dal personal da program, particularmain tras contribuziuns ad instituziuns da scolaziun e furmaziun supplementara. Il UFCOM regla ils criteris da surdada da las contribuziuns e decida davart lur pajament.

4. chapitel Perscrutaziun**1. secziun Perscrutaziun en il sectur da las medias****Art. 77**

Il Cussegli federal regla las premissas ed ils criteris da calculaziun ch'èn applitgabels per ils projects da perscrutaziun en il sectur da radio e televisiun cun agid da las taxas da concessiun (art. 22).

⁸² Questa midada tenor la LF dals 20 da zer. 2014 davart il perfecziunament, en vigur dapi il 1. da schan. 2017, concerna mo il text talian (AS 2016 689; BBl 2013 3729).

2. secziun

Fundaziun per la retschertga davart l'utilisaziun da radio e televisiun

Art. 78 Incumbensa

1 La Fundaziun per la retschertga davart l'utilisaziun da radio e televisiun procura per la retschertga da datas scientificas davart l'utilisaziun da radio e televisiun en Svizra. Ella exequescha sia activitat en moda scientifica ed independentamain da la SSR, d'auters emetturs e da la reclama. Ella po surdar dal tuttafatg u per part sia activitat a sias filialas e per registrar las datas po ella consultar experts independents. La fundaziun è suttamezza a la surveglianza dal DATEC.

2 La fundaziun procura ch'ils emetturs da programs svizzers ed ils perscrutaders scientifics disponian d'in dumber suffizient da datas davart l'utilisaziun da radio e televisiun. Ad emetturs concessiunads en las regiuns muntnagradas e perifericas ston las datas star a disposiziun en ina qualitad cumparegliabla sco als ulteriurs emetturs.

Art. 79 Rapport e consegna da datas

1 La fundaziun publitgescha almain ina giada per onn ils resultats ils pli impurtants da sias retschertgas.

2 Ella metta a disposiziun las datas fundamentalas d'utilisaziun a terzas personas per pretschs che cuvrano ils custs. Ella furnescha gratuitamain las datas a la perscrutaziun universitara ed al UFCOM.

Art. 80 Organisaziun

1 La fundaziun regla sia organisaziun e sias activitads en in reglament che sto vegnir approvà dal DATEC.

2 Il cussegl da fundaziun ha tuttina blers represchentants da la SSR sco represchentants dals ulteriurs emetturs svizzers. Ultra da quai vegnan elegidas autres personas en il cussegl da fundaziun. I vegn guardà che las regiuns linguisticas e las schlattainas sajan represchentadas adequatamain en il cussegl da fundaziun.⁸³

3 Il DATEC elegia il cussegl da fundaziun. El resguarda las propostas da las instanzas pertutgadas.

Art. 81 Contribuziun finanziala

1 La fundaziun survegn mintga onn ina contribuziun or dal retgav da las taxas da radio e televisiun per sviluppar e per sa procurar metodos e sistems da retschertga.

2 Il Cussegl federal fixescha l'import il moment ch'el determinescha l'autezza da las taxas da radio e televisiun.

⁸³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

³ La Lescha da subvenziuns dals 5 d'october 1990⁸⁴ è applitgabla. Las activitads tenor ils artitgels 78 e 79 ston vegnir separadas d'eventualas autres activitads en la contabilitad da la fundaziun e d'eventualas filialas.

6. titel Autoritat independenta da recurs davart radio e televisiun

Art. 82 Cumposiziun

¹ L'Autoritat independenta da recurs davart radio e televisiun (autoritat da recurs) consista da nov commembers en uffizi accessoric.

² Il Cussegl federal elegia ils commembers da l'autoritat da recurs e designescha il president.

³ A l'autoritat da recurs na dastgan betg appartegnair:

- a. ils commembers da l'Assamblea federala;
- b. las persunas che lavuran tar la Confederazion;
- c. ils commembers dals organs d'emetturs da programs svizzers sco er persunas che stattan en ina relaziun da lavur correspundenta.

⁴ Sch'i resulta ina incumpatibilitad, declera la persuna pertutgada per tgenin dals dus uffizis ch'ella sa decida. Sch'ella sa decida per in uffizi tenor l'alinea 3, banduna ella l'autoritat da recurs il pli tard 4 mais suenter la constatazиюn da l'incumpatibilitad.

Art. 83 Incumbensas

¹ L'autoritat da recurs è cumpetenta per:

- a.⁸⁵ tractar recurs concernent il cuntegn da publicaziuns redacziunalas sco er concernent la refusa da l'access al program u a l'ulteriura purschida pubblicistica da la SSR (art. 94–98);
- b. eleger e survegiliar ils posts da mediaziun (art. 91).

² Ella fa mintga onn in rapport da lavur per mauns dal Cussegl federal.

Art. 84 Independenza

L'autoritat da recurs è independenta e n'è betg liada a directivas da l'Assamblea federala, dal Cussegl federal e da l'administraziun federala. Resalvada resta la cumpetenza da dar directivas tenor l'artitgel 104 alinea 2.

⁸⁴ SR 616.1

⁸⁵ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Art. 85 Organisaziun

1 Sch'il Cussegl federal na prevesa betg reglas divergentas, è applitgabla l'Ordinaziun dals 3 da zercladur 1996⁸⁶ davart las cumissiuns.

2 L'autoritat da recurs s'organisescha sezza. Ella decretesch in reglament davart sia organisaziun e sia gestiun. Quest reglament sto vegnir approvà dal Cussegl federal.

3 L'autoritat da recurs ha in agen secretariat. Ella regla las incumbensas da quest secretariat en il reglament tenor l'alinea 2. La relaziun da servetsch dal persunal dal secretariat sa drizza tenor la legislaziun federala dal persunal.

7. titel Surveglianza e protecziun giuridica**1. chapitel Surveglianza generala****1. secziun Procedura****Art. 86 Princips**

1 Il UFCOM guarda che questa lescha e las disposiziuns executivas, la concessiun sco er las convenziuns internaziunalas respectivas vegnian observadas. Per tractar recurs concerrent il cuntegn da publicaziuni redacziunalas sco er concerrent la refusa da l'access al program u a l'ulteriura purschida publicistica da la SSR (art. 83 al. 1 lit. a ed art. 94–98) è cumpetenta l'autoritat da recurs.⁸⁷

2 Mesiras da surveglianza che sa refereschan a la producziun ed a la preparaziun dals programs e da l'ulteriura purschida publicistica da la SSR sco er puras controllas da l'opportunitad n'en betg admessas.⁸⁸

3 Las disposiziuns da la LFPA⁸⁹ vegnan applitgadas per la procedura da surveglianza, sche la lescha qua avant maun na divergescha betg da quai.

4 En la procedura da surveglianza da l'autoritat da recurs (art. 91–98) n'en admessas naginas mesiras preventivas.⁹⁰

5 L'autoritat da recurs giuditgescha mo recurs concerrent publicaziuns redacziunalas cumparidas e concerrent la refusa da l'access al program u a l'ulteriura purschida publicistica da la SSR. Ella n'intervegn betg d'uffizi.⁹¹

⁸⁶ [AS 1996 1651, 2000 1157, 2008 5949 cifra II. AS 2009 6137 cifra II 1]. Guardar ussa: ils art. 8a ss. da l'O dals 25 da nov. 1998 davart l'organisaziun da la regenza e da l'administraziun (**SR 172.010.1**).

⁸⁷ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁸⁸ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁸⁹ **SR 172.021**

⁹⁰ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁹¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Art. 87 Publicitat

¹ Las autoritads da surveglianza orienteschan la publicitat davart lur activitat. Ellas pon publitgar en spezial las decisiuns administrativas e penales e las render accessibilas en la procedura d'invista.

² Ellas na dastgan betg tradir secrets da fatschenta.

Art. 88 Protecziun da datas

¹ Las autoritads da surveglianza pon elavurar datas ch'èn spezialmain degnas da vegnir protegidias, sche quai è necessari per ademplir las incumbensas surdadas da questa lescha.

² L'elavuraziun da datas sa drizza tenor las disposiziuns da la LPD⁹² che valan per ils organs federrals.⁹³

2. secziun Mesiras en cas da violaziun dal dretg**Art. 89** En general

¹ Sche l'autoritat da surveglianza constatescha ina violaziun dal dretg, po ella:

- a. pretender da la persuna naturala u giuridica ch'è responsabla per la violaziun:
 - 1. ch'ella elimineschia la mancanza e prendia mesiras per che la violaziun na sa repetia betg,
 - 2. ch'ella l'infurmeschia davart las mesiras prendidas,
 - 3. ch'ella consegnia a la Confederaziun las entradas finanzialas ch'ella ha obtegnì tras la violaziun;
- b. proponer al DATEC da cumplettar la concessiun cun cundiziuns, da la restrenscher, da la suspender u da la retrair.

² Sin dumonda da l'autoritat da recurs (art. 97 al. 4) po il DATEC scumandar il program u decretar cundiziuns per l'activitat da diffusiu.⁹⁴

Art. 90 Sancziuns administrativas

¹ L'autoritat da surveglianza po engrevgiar cun in import da fin 10 pertschient da la svieta annuala cuntanschida en media durant ils ultims 3 onns da gestiun en Svizra, tgi che:

- a. cuntrafa ad ina disposiziun en vigur da l'autoritat da surveglianza u ad ina decisiun en vigur da l'autoritat da meds legals;
- b. cuntrafa en greva moda a las disposiziuns da la concessiun;

⁹² SR 235.1

⁹³ Versiun tenor la cifra II 69 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBl 2017 6941).

⁹⁴ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBl 2013 4975).

- c. violescha prescripziuns davart la reclama ed il sponsuradi ch'èn cuntegnidas en questa lescha (art. 4, 5 e 9–14), en las disposiziuns executivas, en la concessiun sco er en las Convenziuns internaziunalas respectivas;
- d. violescha las prescripziuns davart l'obligaziun da diffusiu (art. 55);
- e. n'observa betg l'obligaziun da conceder il dretg da rapportar en cas d'eveniments publics (art. 72);
- f. na conceda betg il liber access ad eveniments d'ina impurtanza considerabla per la societat (art. 73);
- g. contrafa a mesiras en il senn da l'artitgel 75 (concentraziun da las medias);
- h.⁹⁵ ...

² Cun in import fin 10 000 francs po vegnir engrevgià, tgi che n'ademplescha betg, tgi che ademplescha cun retard u en moda incumpletta ina da las suandantas obligaziuns u fa faussas indicaziuns:

- a. obligaziun d'annunzia (art. 3);
- b. obligaziuns da diffusiu (art. 8);
- c. obligaziun d'annunziar las entradas da reclama e da sponsuradi (art. 15);
- d. obligaziun d'annunziar participaziuns (art. 16);
- e. obligaziun d'infurmajar (art. 17);
- f. obligaziun da far in rapport (art. 18);
- g. obligaziun d'inoltrar indicaziuns statisticas (art. 19);
- h. obligaziun da registrar e da conservar programs (art. 20) u da mantegnair programs (art. 21);
- i. obligaziuns da la SSR (art. 29);
- j. obligaziuns per ils emetturs cun ina concessiun cun dretg d'ina part da la taxa (art. 41);
- k. obligaziun da communitgar il transferiment da la concessiun (art. 48);
- l. obligaziun da respectar il territori da concessiun fixada dal Cussegl federal per derasar u per laschar derasar programs (art. 52 al. 3);
- m. obligaziun da derasar programs prescrits sin chanals preferids (art. 62);
- n. obligaziun da dar e da preschenttar infurmaziuns (art. 63 al. 3).

³ L'autoritat da surveglianza resguarda en spezial la grevezza da la contravenziun sco er las relaziuns finanzialas da la persuna giuridica u natirala sanczionada per fixar l'import da la sancziun.

⁹⁵ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBl 2013 4975).

2. chapitel Surveglianza tras l'autoritat da recurs⁹⁶

1. secziun Procedura da reclamaziun tar il post da mediaziun

Art. 91 Posts da mediaziun

¹ L'autoritat da recurs fixescha per las regiuns da las trais linguis uffizialas mintgama in post da mediaziun independent ch'è attribuì administrativamain ad ella.

² La SSR prevesa agens posts da mediaziun independents.

³ Ils posts da mediaziun tractan reclamaziuns cunter:

- a. emissiuns redacziunalas emessas pervia da violaziun dals artitgels 4 e 5 da questa lescha u dal dretg internaziunal ch'è impegnativ per ils emetturs da programs svizzers;
- abis⁹⁷ contribuziuns concepidas da la redacziun e cumparidas en l'ulteriura purschida publicistica da la SSR pervia da violaziun da l'artitgel 5a;
- b.⁹⁸ la refusa da l'access al program d'emetturs svizzers u a la part da l'ulteriura purschida publicistica da la SSR concepida da la redacziun.

⁴ Ils posts da mediaziun da las regiuns linguisticas èn suttamess a la surveglianza da l'autoritat da recurs.

Art. 92⁹⁹ Reclamaziun

¹ Mintga persuna po inoltrar ina reclamaziun tar il post da mediaziun:

- a. cunter publicaziuns redacziunalas pervia da violaziun dals artitgels 4, 5 e 5a da questa lescha;
- b. cunter la refusa da l'access (art. 91 al. 3 lit. b).

² Las reclamaziuns ston vegnir inoltradas entaifer 20 dis suenter la cumpariziun da la publicaziun contestada u suenter la refusa da la dumonda d'access en il senn da l'artitgel 91 alinea 3 litera b.

³ Sche la reclamaziun sa referescha a pliras emissiuns u contribuziuns, cumenza il termin cun la diffusiun respectivamain cun la cumpariziun da l'ultima publicaziun contestada. L'emprima publicaziun contestada na dastga dentant betg esser cumparida dapli che 3 mais avant l'ultima publicaziun contestada.

⁴ Ina reclamaziun po mo sa drizzar cunter pliras contribuziuns concepidas da la redacziun en l'ulteriura purschida publicistica da la SSR, sche questas contribuziuns èn cumparidas en il medem dossier d'elecziuns u da votaziuns.

⁹⁶ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁹⁷ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁹⁸ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁹⁹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

⁵ La reclamaziun sto vegnir inoltrada en scrit, ed ella sto vegnir documentada, sch'ella pertutga l'ulteriura purschida publicistica da la SSR. En ina curta motivazion stoi vegnir inditgà, en tge regard ch'il cuntegn da la publicazion redacziunala contestada duai esser manglus u che la refusa da l'access al program respectivamain a la part da l'ulteriura purschida publicistica da la SSR concepida da la redacziun duai contrafar al dretg.

Art. 93 Liquidaziun

¹ Il post da mediaziun examinescha la fatschenta ed intermediescha tranter las parts participadas. El po en spezial:

- a. discutar la fatschenta cun l'emettur da programs u al transferir cas levs per als liquidar directamain;
- b. procurar per ina scuntrada directa tranter las parts participadas;
- c. far recumandaziuns a l'emettur da programs;
- d. orientar las parts participadas davart las cumpetenzas, davart il dretg decisiv e davart la via giudiziala.

² El n'ha betg la cumpetenza da prender decisiuns u da dar directivas.

³ Il post da mediaziun infurmescha en scrit las parts participadas davart ils resultats da ses scleriments e davart il gener da la liquidaziun da la reclamaziun il pli tard 40 dis suenter l'inoltrazion da la reclamaziun.

⁴ En enclejentscha vicendaivla da las parts participadas po avair lieu ina liquidaziun a bucca.

⁵ Il post da mediaziun metta a quint ils custs che derivan da la liquidaziun a l'emettur da programs suenter avoir tractà la reclamaziun. Sin dumonda dal post da mediaziun u da l'emettur po l'autoritatda recurs – en il cas d'ina reclamaziun da levsenn – adossar ils custs da procedura a quella persuna che ha inoltrà la reclamaziun.

2. secziun Procedura da recurs tar l'autoritat da recurs¹⁰⁰

Art. 94 Dretg da far recurs

¹ Recurs cunter ina publicazion redacziunala cumparida u cunter ina refusa da l'access pon vegnir inoltrads;¹⁰¹

- a. è stà participà a la procedura da reclamaziun davant il post da mediaziun; e

¹⁰⁰ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰¹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

b.¹⁰² da persunas che cumprovan ina stretga relaziun tar l'object da las publicaziuns redaciunalas contestadas u da persunas, da las qualas la dumonda d'access (art. 91 al. 3 lit. b) è vegnida refusada.

² Er persunas naturalas che na cumprovan betg ina stretga relaziun tar l'object da las publicaziuns redaciunalas contestadas pon far recurs, sch'ellas preschentan almain 20 suttascripcjuns.¹⁰³

³ Persunas naturalas che fan in recurs tenor l'alinea 2, ston avair almain 18 onns ed avair il dretg da burgais svizzer ubain ina permissiu da domicil u da dimora.¹⁰⁴

⁴ Recurs po far er il DATEC; en quest cas na valan betg las premissas tenor l'alinea 1.

Art. 95 Termin e furma dal recurs

¹ I po vegnir fatg in recurs en scrit tar l'autoritat da recurs entaifer 30 dis dapi l'entraida dal rapport tenor l'artitgel 93 alinea 3. Il rapport dal post da mediazium sto vegnir agiuntà al recurs.

² Il DATEC inoltrescha ses recurs directamain a l'autoritat da recurs entaifer 30 dis suenter la diffusiu da l'emissiun respectiva.

³ Il recurs sto inditgar curtamain:

- a. en tge regard che la publicaziun redaciunala contestada ha violà las disposiziuns davart il cuntegn tenor ils artitgels 4, 5 e 5a u il dretg internaziunal liant per ils emetturs da programs svizzers; u
- b. quant enavant che la refusa da l'access (art. 91 al. 3 lit. b) cuntrafa al dretg.¹⁰⁵

Art. 96 Entrada en chaussa e correspundenza

¹ Sch'igl exista in interess public d'ina decisiu, entra l'autoritat da recurs er en recurs fatgs sin il termin, che n'adempleschan betg tut las premissas formalas. En quest cas n'hau ils recurrents nagins dretgs da partida.

² Sch'il recurs n'è betg evidentamain inadmissibel u nunmotivà, envida l'autoritat da recurs l'emettrur da programs a prender posizion.

³ L'autoritat da recurs po refusar u sistir da tractar in recurs, sche medis giuridics da dretg civil u da dretg penal n'èn betg vegnids duvrads u sch'i vegn fatga ina procedura administrativa en la medema fatschenta.

¹⁰² Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰⁴ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰⁵ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Art. 97 Decisiun

¹ Las tractativas da l'autoritat da recurs èn publicas, nun ch'i cuntrafetschian ad interess privats degns da vegnir protegids.

² L'autoritat da recurs constatescha, sche:

- a. las publicaziuns redacziunalas contestadas han violà disposiziuns davart il contegn tenor ils artitgels 4, 5 e 5a u tenor il dretg internazional respectiv; u
- b. la refusa da l'access (art. 91 al. 3 lit. b) cuntrafa al dretg.¹⁰⁶

³ Sche l'autoritat da recurs constatescha ina violaziun, po ella prender u proponer las mesiras previstas en l'artigel 89.

⁴ En cas da grevas cuntravenziuns repetidas cunter las obligaziuns tenor l'artitel 4 alineas 1 e 3 sco er tenor l'artitel 5 concernent il program u cunter las obligaziuns correspondentes concernent l'ulteriura purschida publicistica da la SSR (art. 5a) po l'autoritat da recurs inoltrar al DATEC ina dumonda per in scumond d'emissiu (art. 89 al. 2).¹⁰⁷

Art. 98 Customs

¹ La procedura da recurs davant l'autoritat da recurs è gratuita.

² Per recurs da levseñ pon vegnir adossads ils customs da procedura a la persuna re-currenta. La LFPA¹⁰⁸ è appligabla.

3. chapitel Protecziun giuridica**Art. 99¹⁰⁹**

¹ La protecziun giuridica sa drizza tenor las disposiziuns generalas da la giurisdicziun federala.

² Cunter las disposiziuns da l'organ d'incassament poi vegnir fatg recurs tar il UFCOM.

³ Cunter las decisiuns da l'autoritat da recurs poi vegnir fatg recurs directamain tar il Tribunal federal.

¹⁰⁶ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰⁷ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹⁰⁸ SR 172.021

¹⁰⁹ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

8. titel Taxas administrativas

Art. 100

¹ L'autoritat cumpetenta incassescha taxas administrativas en spezial per:

- a. conceder, midar ed abolir concessiuns;
- b. exequir l'actividad da surveglianza;
- c. decretar disposiziuns;
- d. tractar dumondas.

² Il Cussegħ federal fixescha las tariffas da taxas. El resguarda ils custs d'administraziun e po tegnair quinq da la capacidat economica limitada da la persuna natirala u giuridica, da la quala vegn incassada la taxa.

³ L'autoritat cumpetenta po pretender ina garanzia adequata da la persuna obligada da pajjar la taxa.

9. titel Disposiziuns penales

Art. 101 Cuntravenziuns

¹ ...¹¹⁰

² Cun ina multa da fin 100 000 francs vegn chastià tgi che cuntrafa intenziunad amain ad ina disposiziun en vigur da l'autoritat da surveglianza cumpetenta u ad ina decisiun en vigur da las instanzas da medis legals.

³ Cun ina multa da fin 100 000 francs vegn chastià tgi che influenze scha tras faussas indicaziuns a sia favur ina procedura da concessiun u ina procedura per midar ina concessiun.

⁴ En cas levs poi vegnir desisti d'in chasti.

Art. 102 Cumpetenza e procedura

¹ La persecuziun ed il giudicament d'acts chastiabels èn chaussa dal UFCOM. La Lescha federala dals 22 da mars 1974¹¹¹ davart il dretg penal administrativ è applicabla.

² ...¹¹²

¹¹⁰ Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBI 2013 4975).

¹¹¹ SR 313.0

¹¹² Aboli tras la cifra I da la LF dals 26 da sett. 2014, cun effect dapi il 1. da fan. 2016 (AS 2016 2131; BBI 2013 4975).

10. titel Disposiziuns finalas**1. chapitel Execuziun, aboliziun e midada dal dretg vertent****Art. 103** Execuziun

Il Cussegl federal exequescha questa lescha, nun che las incumbensas sajan vegnidas surdadas ad in'autra autoritat. El decretescha las disposiziuns executivas. El po delegar al DATEC da decretar las prescripziuns administrativas e tecnicas.

Art. 104 Cunvegnes internaziunalas¹¹³

¹ Il Cussegl federal po concluder contracts internaziunals d'ina impurtanza limitada che pertutgan il champ d'applicaziun da questa lescha.

² Il Cussegl federal po delegar al DATEC u al UFCOM la cumpetenza da concluder contracts internaziunals che reglan dumondas tecnicas u administrativas.¹¹⁴

Art. 105 Aboliziun e midada dal dretg vertent

L'aboliziun e la midada dal dretg vertent vegnan regladas en l'agiunta.

Art. 106 Coordinaziun cun la midada dals 24 da mars 2006¹¹⁵ da la Lescha da telecommunicaziun dals 30 d'avrigl 1997 e cun la midada dals 24 da mars 2006 da la Lescha davart il Tribunal federal dals 17 da zercladur 2005

1. Independentamain dal fatg, sche la lescha qua avant maun (LRTV) u sche la midada dals 24 da mars 2006 da la Lescha da telecommunicaziun dals 30 d'avrigl 1997¹¹⁶ entra en vigur sco emprim, sa cloma – cun l'entrada en vigur da la lescha che entra pli tard en vigur sco er sche omaduas leschas entran en vigur a medem temp – l'artitgel 56 alinea 4 LRTV¹¹⁷ sco suonda: ...

Art. 56 al. 4

...

2. e 3.¹¹⁸

...

¹¹³ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS **2016** 2131; BBI **2013** 4975).

¹¹⁴ Versiun tenor la cifra I da la LF dals 26 da sett. 2014, en vigur dapi il 1. da fan. 2016 (AS **2016** 2131; BBI **2013** 4975).

¹¹⁵ AS **2007** 921

¹¹⁶ SR **784.10**

¹¹⁷ Integrà text qua survart.

¹¹⁸ Las midadas pon vegnir consultadas en la AS **2007** 737.

2. chapitel Disposiziuns transitoricas

Art. 107 Concessiuns da radio e televisiun

¹ Las concessiuns per ils programs da radio e televisiun ch'èn vegnidadas dadas sin fundament da la Lescha federala dals 21 da zercladur 1991¹¹⁹ davart radio e televisiun (LRTV 1991), valan vinavant – cun resalva da l'alinea 2 – fin a lur scadenza, sch'ils emetturs na desistan betg expressivamain da talas.

² Suenter l'entrada en vigur da questa lescha po il Cussegl federal disdir las concessiuns da la SSR, da swissinfo/SRI, da la Teletext SA sco er da quels emetturs che organiseschan lur programs en collavuraziun cun la SSR tenor l'artitgel 31 alinea 3 LRTV 1991, per la fin d'in onn chalendar observond in termin da 9 mais per la disditga.

³ Il Cussegl federal po prolongar las concessiuns da la SSR e da swissinfo/SRI, ch'èn vegnidadas dadas sin fundament da la LRTV 1991, per maximalmain 5 onns a partir da l'entrada en vigur da questa lescha.

⁴ Il DATEC po prolongar autres concessiuns dadas sin fundament da la LRTV 1991 per maximalmain 5 onns a partir da l'entrada en vigur da questa lescha. En las concessiuns prolongadas po vegnir previs in dretg da disditga.

⁵ Sche las concessiuns da la SSR u da swissinfo/SRI valan vinavant u sch'ellas vegnan prolongadas, èn applitgabels tenor il senn ils artitgels 22 sco er 25 alineas 5 e 6.

⁶ Per las autres concessiuns che valan vinavant u ch'èn vegnidadas prolongadas èn applitgablas tenor il senn las disposiziuns pertutgant concessiuns cun incarica da prestazion tenor l'artitgel 22 sco er tenor ils artitgels 44–50.

Art. 108 Plan da rait d'emetturs

Il Cussegl federal po prolongar u – suenter avair tadlà la Cumission federala da comunicaziun – midar las directivas per la planisaziun da rait d'emetturs tenor l'artitgel 8 alinea 1 LRTV 1991¹²⁰ fin maximalmain 5 onns suenter l'entrada en vigur da questa lescha.

¹¹⁹ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

¹²⁰ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

Art. 109 Contribuziuns or da las taxas da radio e televisiun

¹ Ils emetturs da programs da radio e televisiun che survegnan il mument da l'entrada en vigur da questa lescha ina part dal retgav da las taxas da radio e televisiun tenor l'artitgel 17 alinea 2 LRTV 1991¹²¹, pon far valair vinavant in dretg d'ina part da la taxa fin a la scadenza da lur concessiun tenor l'artitgel 107. L'autorisaziun per ina part da la taxa e la calculaziun da la part sa drizzan tenor l'artitgel 17 alinea 2 da la LRTV 1991 sco er tenor l'artitgel 10 da l'Ordinaziun dals 6 d'october 1997¹²² davart radio e televisiun.

² Il UFCOM po – en il rom da las premissas tenor l'alinea 1 – pajar parts da la taxa ad emetturs che han ina concessiun tenor la LRTV 1991 e che han cumenzà ad emetter suenter l'entrada en vigur da questa lescha.

³ Il Cussegl federal resguarda il basegn finanzial cun fixar la taxa da radio e televisiun (art. 70).

⁴ La regulaziun transitorica tenor l'alinea 1 finescha quel mument ch'i vegnan dadas las concessiuns cun dretg d'ina part da la taxa tenor ils artitgels 38–42, il pli tard dentant 5 onns suenter l'entrada en vigur da questa lescha.

Art. 109a¹²³ Surplis da las parts da la taxa

¹ Ils surplis da las parts da la taxa per ils emetturs da programs regiunals e locals (art. 38) ch'existan il mument da l'entrada en vigur da questa disposiziun vegnan utilisads a favur dals emetturs cun dretg d'ina part da la taxa:

- a. per in quart per la scolaziun e la furmazion supplementara da lur emploiad;
- b. per trais quarts per la promozion da novas tecnologias da diffusioen tenor l'artitgel 58 sco er per proceduras digitalas da producziun televisiva.

² Fin 10 pertschient dals surplis pon vegnir duvrads per l'infurmazion generala da la publicitat tenor l'artitgel 58 alinea 2.

³ Il Cussegl federal determinescha la dimensiun da l'import che po vegnir duvrà per ademplir las incumbensas tenor ils alineas 1 e 2. El resguarda la part che sto vegnir retegnida sco reserva da liquiditat.

⁴ Il UFCOM conceda sin dumonda las singulas contribuziuns tenor l'alinea 1. Il Cussegl federal regla las premissas ed ils criteris da calculaziun, tenor ils quals il UFCOM paja las contribuziuns.

¹²¹ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

¹²² [AS 1997 2903, 2004 4531, 2006 4395]

¹²³ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Art. 109b¹²⁴ Introducziun da la taxa da radio e televisiun

¹ Il Cussegl federal determinescha la data, a partir da la quala vegn incassada la nova taxa da radio e televisiun.

² Fin lura vegn la taxa da recepziun per la recepziun privata e kommerziala da programs incassada tenor il dretg vertent (art. 68–70 ed art. 101 al. 1 da la Lescha federala dals 24 da mars 2006¹²⁵ davart radio e televisiun).

³ L'utilisaziun dal retgav da la taxa da recepziun sa drizza tenor las disposiziuns dal nov dretg davart la taxa da radio e televisiun.

⁴ Il Cussegl federal regla la midada al nov sistem da taxas. En spezial po el prevair ch'ils meds existents da la taxa da recepziun vegnian transferids en il nov sistem, ed el po fixar ils organs che cuntinueschan cun las proceduras pendentas davant l'emprima instanza.

⁵ Per l'emprima perioda da la taxa d'interpresa po el fixar ina perioda da calculaziun che divergescha da l'artitgel 70 alinea 1.

Art. 109c¹²⁶ Chasadas privatas senza pussaivladads da recepziun

¹ Sin dumonda vegnan tut ils commembers d'ina chasada privata, nua che nagins apparts adattads per recepir programs da radio u televisiun n'èn pronts per il diever u en funcziun, dispensads da la taxa per ina perioda da taxaziun.

² Il Cussegl federal fixescha las categorias d'apparts che valan sco adattadas per recepir programs.

³ Il UFCOM po entrar en las localitads d'ina chasada dispensada tenor l'alinea 1 per controllar, sche las premissas da deliberaziun èn ademplidas.

⁴ Tgi ch'è dispensà da la taxa tenor l'alinea 1 e fa pront per il diever u metta en funcziun en la chasada in apparat adattà per recepir programs avant la scadenza da la perioda da taxaziun, sto annunziar quai ordavant a l'organ d'incassament.

⁵ Cun ina multa fin 5000 francs vegn chastià, tgi che appartegna ad ina chasada ch'è dispensada da la taxa tenor l'alinea 1, en la quala in apparat adattà per recepir programs è pront per il diever u en funcziun, senza avair annunzià quai ordavant a l'organ d'incassament tenor l'alinea 4.

⁶ Tras ina procedura d'invista electronica renda l'organ d'incassament accessiblas al UFCOM las datas persunalas che vegnan duvradas per ina persecuziun penala tenor l'alinea 5. Il Cussegl federal po decretar disposiziuns davart la dimensiu da questas datas, davart l'access a las datas, davart il dretg d'elavurar las datas sco er davart la conservaziun e la segirezza da las datas.

⁷ La dispensaziun da l'obligaziun da pajar la taxa finescha 5 onns suenter la data, a partir da la quala la taxa è vegnida incassada tenor l'artitgel 109b alinea 1.

¹²⁴ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

¹²⁵ AS 2007 737

¹²⁶ Integrà tras la cifra I da la LF dals 26 da sett. 2014, en vigur dapi il 1. da fan. 2016 (AS 2016 2131; BBI 2013 4975).

Art. 110 Concessiuns da lingias

¹ Las concessiuns existentes per l'ulteriura diffusiu da programs da radio e televisiun sur lingias tenor l'artitgel 39 LRTV 1991¹²⁷ (concessiuns da lingias) restan valaivlas fin che lur possessurs survegnan ina concessiun da servetsch da telecommunicaziun tenor ils artitgels 4 ss. LTC¹²⁸, il pli ditg dentant fin 2 onns suenter l'entrada en vigur da questa lescha.

² Ils concessiunaris da lingias èn suttamess vinavant a:

- a. l'artitgel 42 alineas 2–4 LRTV 1991;
- b. l'artitgel 47 alinea 1 LRTV 1991 concernent la diffusiu dals programs d'auters emettrs da programs, dals quals è veginada prolungada la concessiun tenor l'artitgel 107 da questa lescha.

³ Las obligaziuns d'in concessiunari da lingias tenor l'alinea 2 fineschan, uschespert che la diffusiu dals programs registrads là sur lingias (tenor ils art. 59 e 60) en la zona dal concessiunari è sclerida cun vigur legala, il pli tard dentant suenter 5 onns.

Art. 111 Concessiuns da rediffusiun

Las concessiuns existentes per la diffusiu senza fil da programs da radio e televisiun tenor l'artitgel 43 LRTV 1991¹²⁹ (concessiuns da rediffusiun) restan valaivlas fin che lur possessur survegn ina concessiun da radiocomunicaziun e da servetschs da telecommunicaziun tenor ils artitgels 4 ss. respectivamain tenor ils artitgels 22 ss. LTC¹³⁰, il pli ditg dentant fin 2 onns suenter l'entrada en vigur da la lescha.

Art. 112 Structura organisatorica da la SSR

La SSR sto realisar la structura organisatorica (art. 31–33) per il mument da la renovaziun da sia concessiun.

Art. 113 Proceduras da surveglianza pendentes

¹ Las proceduras ch'èn pendentes il mument da l'entrada en vigur da questa lescha tenor ils artitgels 56 ss. e 70 ss. da la LRTV 1991¹³¹ vegnan giuditgadas tras l'autoritat ch'è cumpetenta tenor il dretg nov. Il nov dretg processual sto vegnir applitgà.

¹²⁷ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

¹²⁸ SR 784.10

¹²⁹ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

¹³⁰ SR 784.10

¹³¹ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

² Sche fatgs tenor il dretg da surveglianza èn capitads avant l'entrada en vigur da questa lescha e sch'ina procedura è pendenta, è applitgabla la LRTV 1991. Sche fatgs duran suenter l'entrada en vigur e sch'ina procedura è pendenta, veggan giuditgadas quellas contravenziuns ch'èn capitadas avant l'entrada en vigur da questa lescha tenor la LRTV 1991. Resalvada resta l'applicaziun da l'artitgel 2 alinea 2 dal Cudesch penal¹³².

Art. 114 Referendum ed entrada en vigur

¹ Questa lescha è suttamessa al referendum facultativ.

² Il Cussegl federal fixescha l'entrada en vigur.

Data da l'entrada en vigur: 1. d'avrigl 2007¹³³

¹³² SR 311.0

¹³³ COCF dals 9 da mars 2007.

Agiunta
(art. 105)

Aboliziun e midada dal dretg vertent

I

La Lescha federala dals 21 da zercladur 1991¹³⁴ davart radio e televisiun (LRTV) vegn abolida.

II

Las leschas federalas qua sutvart vegnan midadas sco suonda:

...¹³⁵

¹³⁴ [AS 1992 601; 1993 3354; 1997 2187 agiunta cifra 4; 2000 1891 cifra VIII 2; 2001 2790 agiunta cifra 2; 2002 1904 art. 36 cifra 2; 2004 297 cifra I 3, 1633 cifra I 9, 4929 art. 21 cifra 3; 2006 1039 art. 2]

¹³⁵ Las midadas pon vegnir consultadas en la AS 2007 737.

784.40

Traffic da telecommunicazion